

DUGIR

Her sê mehan carekê derdikeve • pagîza 1997an hejmara

an





Xwedî
Kawa förlag

Berpîrsiyarê giştî
Dr. Saïd Mele

Birêvebirêñ kovarê
Ehmedê Huseynî
Zagrosê Hajo
Yîhyayê Yûsif

Berpîrsiyarê hunerî
S. Rêzani

Abonetiya salekê
200 SKR
Navnişan
DUGIR Box: 3437
165 23 Hässelby
SWEDEN
Posteya elektronî
Zagros hajo@ avestamail
telia com internet: w1.
226. Telia.com/~0226
0008

Tel/faks
46(0)8-6211571
46(0)706333261
Postgiro
692357- 7
ISBN: 1400-591

Çap
Çapxaneya APECÊ

DUGIR

Hejmar 7 Payîza 1997an.

KOVARA KURDÎ LI DERVEYÎ WELËT
EV KOVAR LI GOR ALFABE, VEKÎT Û
RÊZIMANA
MÎR CELADET BEDIRXANÎ
DERDIKEVE

NAVEROK

- 2 Pêşgotin **DUGIR**
- 5 Neynekek di şûna semaya êgir de..**HENDRÊN**
- 9 Heyînek ji pirtikkirî.. **YÜSİFÊ CERİHÎ**
- 10 Sîber..**FEHEDÊ MUSTEFA**
- 12 Helbestên Hayko..**EBDULREHMAN HUSEYNÎ**
- 14 Li ser berbi dojeh û ronîkirinê..**ŞÊRÎNA HAJO**
- 18 Ji dîmenên cenga mezin ..**SEBRÎ BOTANI**
- 24 Dehbelorê.. **ÇEXOV.**
- 26 Qamişlokê..**KEÇA KURD**
- 28 Çavên te .. **TENGEZARÊ MARÎNÎ**
- 28 Romyosînî..**YANIS RITSOS**
- 44 Teraziya xêr û gunehan...**CARL ÇAPEK**
- 48 Pirtûka ji kevilê xwe der..**E. H. MİHEMED**
- 51 Payîza temenê min..**ESKERÊ BOYİK**
- 52 Wê gundê me xirab bibe..**SULÊMAN ALÎ**
- 54 Sema, dîlan û govend..**BEŞİR BOTANI**
- 59 Şarezayêñ Taristanê.. **SELİM BEREKAT**
- 69 Dilê yareke bê yar.. **MEHMÛD EKO**
- 70 Birano bes e ..**REZOYÊ OSÊ**
- 76 Pendên rizyayî yên payîzê..**NEZÎR AKAT**

- Nîvîs eger çap ji nebin, li xwedîyan nayêñ vegerandin.
- Ji bili naverokê di serastkirina nivisan de Dugir azad e.
- Ji bili nîvisen ko li ser navê Dugirê têñ weşandin, her
nivîskarek berpîrsê naveroka nîvisa xwe ye.

Berpîrsiyarê belavkirina kovarê
li Almaniya û Firansayê:
Dr. Mihemed Nûrî Sulêman. TEL: 02303237367

PÊŞGOTIN 1

N oş!!

Bo peyvên ko êdî dest bi kuştinê dikin.

Bo xencera jehrewî.

Bo çepelan

Bo qehremanan.

Bo alên zer û kesk û sor û reş.

Bo berazan.

Bo wî kesê ko vê sibehê bi me re peyivî.

Noş!!

Bo bageran.

Bo wan kesên ko nas kirin û mirin.

Bo zindiyêne nezan.

Bo kuçe û kolanên bajêr.

Bo jinêne xwefiroş.

Bo wî zilamê ko bûye kûçik.

Bo wî helbestvanê ko helbestan dimîze.

Bo vebişirîna sexte ya şaristaniyê.

Noş!!

Bo zilamên mezin, pir mezin.

Bo hêcketina deveyênen rojhilat.

Bo çiyayênen aramîyê.

Bo salênen bendemanê.

Bo matmayînê. Bo çemênen girînê.

Bo xewna perşkestî.

Noş!!

Bo herifînê, wêranê, talan û nemanê.

Bo çenteyê reş ê Colin Wilson; çenteyê ko kerekê xwe tê de veşartibû.

Bo tevliheviyê ko rêbaziya Xwedê ye.

Bo guhê Van Gogh, bexçeyê genim û qijalkan.

Bo çurisînê, xwewrevînê, bo dudiliya pêwîst.

Bo jibîrkirinê.

Bo textê Cemşid.

Bo taxa Cemşid.

Bo xelekên zorbaz û hêzdarênen mirinê.

Bo sosretê, bo lanetê.

Noş!!

Bo şevistana bi dawîhatinê.

Bo destpêkê, tivingek!!

Noş!!

Bo tivinga kawikî, nezan û xwekuj.

Bo bakur, başûr û rexên bêhiş.

Bo kujdar û qurbanê.

Noooş!!

Bo yên ko bi erzanî hûn firotin.

Bo yên ko li bakurê xwe digeriyan û winda bûn.

Bo yên ko rastî ne ji xwe re û ne jî ji we re gotin.

N oş!!

Bo berbanga rû şewitî ya penagehê.

Bo destêن Girê Mozan ko rûpelên zer ên axê bi hespên westiyayî dixemilîne.

Bo çavşînkêن Girbawî, ko gerokêن serdema rizyayî bi lîlandina sînoran dinixumînin.

Bo razên rêzên rêzdaran, bo birêzên nûjeniya ramanê.

Bo lojika gullebaranê.

Bo sergêjan, sergerdanan, bo berfa dojehê.

Noooş!!

Bo kulîlkêن Kurdistanê ko êdî nema dizanin geş bibin, bikenin.

Bo evîna serjêkirî, bo kelaşê vînê, bo nemana çinînê.

Bo şînîgiriyê, bo konêن reşî erebî, bo herçar stûnêن derewîn ên pirtûka utopyayê..

Bo roman û dîlan û xwepêşandana şoreşen beravêti, .

Bo Laleş, bo pasvanê bêdengiya şevê.

Bo şeytanên Baudelaire.

Bo Anahîta. Bo têkoşerên şer û revê.

Noş!!

Bo rewşenbîrên bê bîr, dîl û lal.

Bo mîrnîşîniya Bedirxaniyêن Stockholm(!) bêpal..

Bo sextekarêن peyvê, dizên ji malê.

Bo paytextêن çanda nivîskarêن şekirfiros.

Bo pirtûkêن ko ti kes wan naxwîne.

Bo aheng û şahiyêن derçûna pirtûkêن pepûkan.

Bo siyasetmendêن ko çavkaniyên wêjeya kurdî şêlû dikin.

Bo projeyêن bêkutayî yên çanda bi şûnde mayî (!)

Bo internetê, ko êdî projeyêن mezin dê berbi wê ve biçin .

Bo televizyonêن ko çelmisîna heyvîn çavêن dayikêن me pêşkêş dikin.

Bo rojnamevanêن ko serçavkêن me hildiweşînin.

PÊSGOTIN . dugir

Bo kovarêñ nûdemiya me ko “hişmendî û felsefeya hejmarê“ bi ser birîna zimanê me de dirijînin.
Bo wêneyên ciwan û paranoya neynikan.
Bo naverokêñ zuha û bazirganêñ ecûr û talikan.
Noooş!!
Bo mirina ko xwe ji bîr dike.
Bo welatê ko hişê xwe dixwe.
Bo miletê ko xwîna xwe bi heskêñ paşerojê vedixwe.
Bo maçêñ zuha û bê tam.
Bo rêwiyêñ ko êdî bîranînan himbêz dikin, û nabêjin.
Bo Praga ko Kafkayî perçeyêñ wê şêrêz dikir.
Bo Feqiyê Teyran ko Şêxê Senanî di derya evînê de bê melevan hiştîye.
Bo Rimbaud ko destê xwe ji peyv û hestan şûştiye.
Noş!!
Bo serkêşen tiving û pêñûsê.
Bo xemxurêñ dîroka namûsê.
Bo serokêñ bê partî
Bo partiyêñ serok.
Bo serokêñ bê qublename
Bo pêşmergeyêñ sedsala bîst û yekê
Noş!!
Bo desthilatê
Bo keftelefta nîşanêñ xebatê.
Bo hêzêñ çêkirina niştiman.
Bo şarezayêñ qirkirina laşê kurdan.
Noş!!
Bo KURMANCÎ-yê ko êdî ferhenga kurdî dê simbêlêñ xwe yêñ qeytanî babide
Bo Med TV ko xwêya zimanê tirkî û erebî bi ser birîna giyanê me de werdike.
Bo çanda sircumê!!
Bo nivîskarêñ sircumê, lê diçin havîngehêñ welêt û têñ.
Bo jixwebaweriya vê reş- gergerînekê.
Bo nifşêñ ko dê bi ser me de bêñ!!
Bo cigareya li xurînî.
Bo vê jiyana bê mizgînî.
Noş!!
Bo sersala we! Bo binsala we!
Bo berhevkirina perçeyêñ nalîna ala we!

DUGIR

Neynikek di şûna semaya êgir de

Zimanek, bi vebêjiya hemû bircên demê

Bi peymanê rewrewkên yekem-koçê, te ditevizîne

Û di babelîska pijiqnî de te dinivîsîne,

Te hildigire û bi

xwe re dibe, di

bênahiyê de te

dinimîne

Ca sergêjahî te bê
ziman nahêle.

Ziyaretên gundan,

werdiyanê

mêjûyekê û

xerîzeya bîranînê

jî di weletekî

xewnnname de

Stêrkeke bi terî

Bi baskên tem û

mijen wan çiyayên

jinebî, digeriya,

dihate dadan, û

difiriya.

Li wir, çekdarê

qederê bi destê

xwe yên Ehrîmenî

çepera êrîsan li ber

devê leşkerên reşebayekî, vala dikir

Seg jî, li pêş xwedîyên xwe,

di mijandina temeke revyayî de ber bi keviya temeke dîtir ve,

bi devê çiyan bang dikirin

û di nav gulleyên serkeftinê de dibezîyan û li ser terman dereyîyan.

Ha va ye, xakekî henasesiwar, û êleke bi qelavîska,

Bayekî bawî di laşê me de amas digire.

Ha va ye, nifşekî zindî, mîrevanê bajarekî, serbazên wî
kefenekî ji dîrokê pars dikin û

digel gorên xwe ber bi dîlîtiyê ve bi rê dikevin.

Elfebaya nefreta êgir di agirdankên malên me de geş dibe.



HENDRÊN

Dostêن qurbanê û cîranê nexurî yê nebûnê, em in.

Tabûtên daliqyayî, em in.

Ez jî diçim ser dareke avis û bêber û şaxeke kevnare, ji kevir.

Rûtiya min., di tîbûna Harût û Marût de.

di nav siwarêñ hevalbend, vê

efsaneyê bi nav dike,

Ez balendeyekî bi pê diçim û li

koçrewekê li dawîhatinekê

digeriyam

lê min pêşbîniya sirgomiyekê

dikir.

Dizanim ko mirin ji min û ji

nijada min a ko bi ciwanî

mîriye, cegerdartir e,

xilqên xwe li ser poşmaniya

çarenûsa me asê dike.

Di her gaziyekê de destekî sar

hest dikim

lewra di kolanêñ vê tarawgeha

duta de nikarim bi jiyanê re li

hev bêm

Ê min çi ye, ma gernameya

çîroka dijwar dê ji bo min çi

bike

Ma ev hevalê ko di şevan de

nameya xatirxwestinê mîna

niviştekê li ser balgeha min

dihêle,

û bi zembîlêñ gulstêrêñ

xelmaşbûyî û bi du keroşkêñ spî û sava li min vedigere, çi ji min divê.?

Ez wêneya vê avê me

Seravbûyî ber bi rexê dîtir ê pencereya şevê ve diçim.

Li wir nav dabeş dibin,

Dilê jinan wek denêñ kesk li ser milêñ wan in

û bi çîrîskêñ zelal ên çavêñ xwe yên mişt babelîsk di rûyê te de

tîqetîqê dikan.

Bi pêşwazî, li ber dergehê bajêr,

bi bêdengiya ewrê ko tenhatî ji ronahiya wî dirije, nixumandî me,

Û razê ewr, xwezayek e, di çavêñ min de berdigire.

Û rengêñ ewr di min de rehajo ne.

Ez bixwe jî mêvanê ez im!!!

Bi destnivîseke hebûnê

Bi deftereke hêrs

Bi elbomeke guman,

di bexçeyê `edem de dersa ziman digel mezheban dixwînim.



© DUGIR 1997

Di dema peyivîna li ser felsefeyê, zarokek di kûrahiya min de ye,
 di roavahiyêne meha tebaxê de kêferatê dike
 û berbi dibistanê ve digindire.

Bi tiliyêni ji baranê, peyvên
 min diffirkîne.

Di hundirê vî bajarê çolistan
 de

Destek silavê li nediyariyê dike
 Ma gelo oxira vî rîbware
 comerd e?

Di rojêni valahiyê de tenhatiyê
 dibînim


Êvariyan, tenhatî carcaran
 wek masigirekî nêçîra demê
 dike,

û stiran jî hetanî ko çav
 bibîne, çawan qeresiyan dixwe
 û carina jî bi dengvedana
 bîranînan cografayake
 valabûyî
 ava dike
 ava dike

Û bi lingêni ezman rîwîtiya
 dengekî

Û li vir, tenê hinarekê û
 goşiyekê qeresî li dorava min
 dihêle

di bêdengiyê de şêt bang



dikin

yeko yeko çirêni stûnêni asoyê vedimirînin

Şev jî bi helkehelk, bi pêş ve tê û mijankêni zemînê dinixumîne

Deng dizingin

Û deng bo peyvê vedigerin.

Awirêni çavêni me ji temaşekirina firişteyên mermerî
 ên ko ji stûnan dadikevin, westiyan.

Bihîstina me li ber silavêni zorbaz, ên bavîtiya daristana dîrokê, xilmaş dibe..

Dilêni me, ji wê cama rajûbaz ko bextêni hevaltiyê eşkere nake, kul bûn.

Ronahî, çira, di bişkivîna xwe de mit û mat in, digel dara merxê ya xeyalê
 direqisin û wê pencereya ko bi ser henasêni dîrokê de girtiye, dixapînin.

Dive, di sibehêkê de, piyaleke mişt me'neya bîrîkirinê bilind bikim,

Dive, bi hêvîbûn, di boşahiyeke de, bi hest evînekê binasim.

Dive, em bi xwe gurzê şirovekirinê ji destê nedîftî, biçelpînin.

Ew gava windayî di rehêni gewriyekê de ges dibe

Ne hema deng e

Reng e jidayikbûna agahiyekê be

An janek be li ser xwe dipeyive!?

Û wexta ko bi amajeyekê em koçberiyê kuta dikin

Baweriya rawestanê mîna

parsekan berzûrî me dibe

Li wir, li ber hêwanê, keç,
dismalêñ xwe bo xortêñ ko ji
cengê venege riyan, diavêjin
“Xwe zka em bê zilam bûna
xwe zka zilamêñ me qir
bibûna”



Li ser destekî çandî xwedayê
xweliyê peyda dibe

Bi duayêñ xwe sefera dayika
min bo buhuştê dudil dike

Ew kundê xembar

Ew hemî balendeyêñ
sirgombûyî

Li ser nêrdewanêñ bajêr ji
zimanê min ê lal bi rev firiyan.
Roj nîne ko bi bendemanê,
kesekî , bi pirtûka vê koçê
sergerm nekin.

Û bi derengî jî, di nav bayekî
sîs de, peyvêñ li cîmayî li ser
elendê berhev dikin

Payîz jî bi şûşeyêñ vala, di nav
çavêñ zer ên giyan re dizîvire.

Ew werz, çendîn li beramberî peymanê min sersar in
Ew sal, bi xewna reşnivîsêñ min çendîn bargiran in

Ez ê aşna, li xwe ne aşna dibe

Û neagahiyek di koçê de wek sirûdêñ Malldro di dergehêñ ebediyetê de, di
wexta noşîna eşê de, bi pêlêñ şûna ko şûmê dirijînin, kêferatê dike.

Sekek li bin guhê kûrahiyê dikeve

û kêrek e devgirtî di zimanê êgir de,
di agirdankeke nediyar de, xwe radikişîne.

Rojek e kerr, zemînê ditirsîne

û bi pirseke cêwî, di bersiveke diyar de, hildîçe.

Ez jî kesek im, ne di efsaneyêñ bi navkirî ên wêderê de û ne jî di koda
dastanê nijinandî yêñ vêderê de, dibim neynikek.

Ma dê çi biqewime!
Ey maka xewnêن bi dardekirî
Û heyîna ji pirtikkirî
Ko kinête ez
Li ser lêvên te yên kelbitî,
Qermîçokêن rûyê te yê direhayî
Û sînga naperûşkkirî
Bi evîneke gurî û gemarokî
Bi kar anîne..!!
Tov-peyvîn xwe yên qedexe
Bidaw pêşmalka “Enana“ rewayê
Libo libo
bireşînim.

Belkî!
Ji bo xatirê wê
Dilovaniya “Enkî“
Ji wan çavêن mijtîn
Du dilopêن hesretê..
Lê binuqutîne!!

Da
Careke din zil bide
Û ji nû ve bizê
Şitil helbesta min a gurandî
Bi kuh kêrek zingarokî
Di paşilmîraba “Ereşgîkala“ jêrî de.
Hey “Iştara“ min!
Qey çend “Temûzan“ hêê
di ber te de
Nedir bidim?
Ji jîn û mirinê re.

Heyînek ji pirtikkirî




YÜSİFÊ CERİHÎ

Sîber

Firyal!

Êdî em nema ji ketinê ditirsin
nema ji ber sawa şikestinê dilerizin.



Sîbera çekemîn

Ho Siaksarê piçûk(1)
Ma rast e lo!?
Ma rast e ko careke dî Sekîsiyan
dest bi êrîşê kirine(2)
De bibêj hey malava!
Dako em hespên bagerê amade
bikin
Aniha em berbi esman ve
hildikişin
Dako em mîna keriyekî stêran
bi rê kevin.
Li paş birc û kelehên
Akptanayê jinêni ciwan
çavnîrîna me dikin(3)
Ferawtîs li şûnwaran digere, de
ka em herin malava!(4)
De ka em herin êdî ji aniha û pê
ve dê şev nemînin.
Û tu jî

Eger tu bixwazî êrîşî dijminê
xwe bikî
Hîmê mezin hilgire
û ji ti kesî re nebêje
Ko kew birayê xwe dikuje.

Sîbera helbestvan

Tu yê çawan aniha dest bi
stiranen bikî birako!?
Û tu yê bi kîjan xencera cehrewî
bejna têkçûnê bipîvî!?
Tu yê çawan bikaribî bi herdû
milêñ xwe yên piçûk
tawanbariya cîhanê hilgiri!?
” Yê ko zimanê çeman bizanibe,
nezan e
Yê bi sibeheke şîn re qehwê
vexwe, nezan e


*Yê ko bi helbestekê qulqulkî
bibe, nezan e*
*Yê ko avjeniyê di çavên jinekê
de bike, nezan e”*
 Daristan ji sînga te direve
 Payîz li wir e
 Û li vir... Di nîvê dil de
 nermebaranan ji çavan dibarîne
 Û tu bi şînîyan şîlbûyî vedigerî,
 Û gerek jî tu bizanibî ko tu
 helbestekê nanivîsînî
 Lê belê tu zilam ï
 Zilamekî ko dinale û diêse.

Sîbera bakurê ko jî ser hişê xwe diçe

Bi xemgîniyan nixunandî
 Bînçikyayî, tu li sîbera xwe
 ya ko tu winda dikî, digerî
 Gerek te kîleka Şîlardi birîndar
 kiriba
 Dako te bakur bi romansiyeta
 rengan binixumanda
 Ew jî li wir bû.. Û li vir...
 Jê we ye ko ber bi ezman ve
 hilkişîn ji wir dest pê dike
 Di nav lingên wê de. Yan di bin
 lingên wê de
 Ü te ji bîr kiribû ko bapîrê te di
 vê derê re buhuriye
 Ü bi xemgînî, bi dudilî di vê
 koşeyê de rûniştibû
 Di navbera Aras û Xabûr de
 Pêlavine zer, kesk, qehweyî, sor
 Sirûdên berazan vedirşin
 Siaksar got:
 Dem hatiye ko rûbar tiştên te
 berhev bikin

Xemgîn nebe!
 Dem hatiye ko darêñ daristanê
 tenê ji boyî çavêñ te bistirêñ
 Tenê ji boyî çavêñ te
 Dem hatiye ko yasemînêñ şamê
 rengêñ xwe ji ceografya dilê te
 wergirin
 Ü gotin:
 Asyayê bendewariya te dike
 Dako tu serkêşıya karwanê
 hilkişînê bikî
 Netirse
 Rûbar û dar û felsefeya gîhayan
 digel te ne
 Ü gotin:
 Bajar rengê te werdigire
 Ma kes heye ko vê kîrê di sînga
 min de daçikîne!??
 Ma Meryem Xan`ek heye ey
 Şîlardiyyê heyvê(5)
 Ma pir hene dako em berbi
 cakiya bejêr ve herin
 Ü... Ü... Ma ti bajar heye?.

- (1) Şahê midiyan ê ko Babilê dagîr kirbû.
- (2) Miletik e ji Sîbîryayê hatibûn û di
 wexta ko
 midiyan Babil dorpêçkiribûn, Mîdiya
 dagîr kirin.
- (3) Paytextê
 Mîdyayê bû.
- (4) Bavê
 Siaksar e,
- (5) Li cem
 Horîyan
 Xwedâyê heyvê
 bû



FEHEDÊ MUSTEFA

HELBESTÊN HAYKO



1

Qûm di lingan de
Û di dil de stiranên hechecîkan
Yê evîndar bi rê dikeve.

2

Nexwe ez dê te ji balendeyên
biyanî
û ji şûnewaran re bihêlim
Ez dê te di êşen seqem û
bêrîkirinê de bihêlim
Te dihêlim.

3

Di dûrahiyê de; rengê wê kesk e
Dûrahiya ko rojekê ji rojan
bager durust kiribû
Û rojekê ji rojan jî
Ew dûrahî mîna bagerê, çû.

4

Di navbera bayê gundan de
binavbûyî
Demê zeft dikim
Ronahî jî rê dide min da ko
berbi gavêñ te yên revyayî de
biçim..

5

Erê erê hey şêxê sîn
Wî pîroz bike
Rûyê wî jî bi stêrkên sivik
şil bike..

6

Neko kin diçe
Lê şikestî.
Neko vemirî diçe
Lê sivik

7

Li vir, em bi hev re rûniştin
Li vir, me lêvên xwe vêxistin

Li vir, me cigere bi dijwarî
kişandin
Dûman dibû bajarêن koçbariya
me
Koçbariya ko di destê sibê de
dest pê dikir..

8

Li bazaran têra xwe qîriyan û
bi şevê razan
Û wexta ko li ser çira jorîn
navine lerizîn
Vegeriyan malê
Barkirî vegeriyan.
Têra xwe jiyan
Û mîna tayê guhkê şeytên
vekişyan.

9

Ji gumlekêن xwe direvin
Û xwe di nameyan de vedişêrin..

10

Du hesp
Şevbuhêrka xwe
Li ber serê eşâ min diqedînin..

11

Eva rawestyayî kî ye?
Ew stêrkêن çelmişî yên li ser
rûyê te
çi ne?

12

Ma dê çi bi serê van pileyêن pir
bê
Eger berbi destê dayika min ve
hilkişin?
Ma dê çi bi serê van pileyêن pir
bê

Eger berbi birayê min ve biçin
Ez dê wî himbêz bikim
Min bêriya kurtepeyvên me kiriye
Min bêriya nepoxêن zaroktiyê
û pirêن bajêr kiriye.

13


Ho qiralê Çinê!
Wek şervanekî
Ji leşkeriya bakur têm.
Hêdî hêdî, serçavka Amûdê
hiltînim
û derbasî demsala defteran
dibim.
Û piço piço derbasî dergeh dibim..

14

Mîna peravan min ji te re distira
Min li dergehê şîn dixist
Sîbera te dihat
Hîzar û masiyek bi ser min de
avêtin û çû..

15

Ma gelo ez stêrkekê
deynim ser birîna xwe
û razêm??!



EBDULREHMAN HUSEYNÎ


Li SER

'Berbi Dojeh û

Ronîkirinê ve'

YA

**Arthur
Rimbaud**



Mi rastî ez ji xwe ne behwer im, ka ez çawa dest pê bikim û çilo binivîsim. Ma gelo ez pesnê jiyana Rimbaud a trajîdiyane spehî bidim? Yan jî li ser têgehiştina xwe ya helbestên wî biaxivim, yan jî dibe, ko ka çawa ez bûme behwerpêkera wî. Niyaza min ne ew e jî, ko ez te bi vê nivîsandinê biwestênim, ji ber vê ezê li ber xwe bidim, ko ez li ser tiştên herî girîng binivîsim. De baş e, ezê bi xala pêşî dest pê bikim... Arthur Rimbaud di 20ê cotmehê de ya sala 1854an li Charlevilleya Fransayê xwedê daye. Ew bê bav bi xweh û birayên xwe re û bi diya xwe ya dilhişk re mezin bû. Ew di dibistanê de xwendekarekî gelekî jîr û şehreza û bi bîr û behweriyên xwe pir pêşketî bû. Hê çardeh salî bû xelata helbestnivîsandina bi latînî wergirt. Dema temenê Rimaud gehabû 16 salan, wî piraniya helbesttên xwe yên lîrîkî û herdû 'Nameyên dîdariyê', yên pir bi nav û deng nivîsandibûn. Ew di wan de ronî dike, ka yê helbestvan dive çawa be. Daxwazên wî ji helbestvanan gelekî bilind bûn. Ji nav helbestvanan bêjimar, wî bitenê çendeke hindik xwedî nerx û xwedî behreya rasteqîne didîtin. Di nav wan helbestvanan de Paul Verlaine, Victor Hugo, Albert Mérat û di dawiyê de, lê ne kêmî wan Charles Baudelaire - helbestvanê pêşerojbîn, şahê helbestvanan, xwedayê rastiyê- cihê xwe digirtin.

Rimbaud yek ji hîmdarên, wêya ko em dibêjin, lîteratûra modern e. Ew

bi sed salî li pêşıya dema xwe bû. Ew dema ko tê de bikaranîna keresteyên narkotîka psîkedelîkî ketine rewacê, û ew têgehişt, ko dê helwese (halusînasyon) weke şeweyleke afirander were bikaranîn. Jiber ko... "...helbestvan dîtina xwe piştî dudilî û gomanên mezin, û piştî ko pirsê di nav hemû hest û hiş û ramananên xwe re derbas dike û serad, bêjing û moxil dike, piştîre ew diafîrîne. Ew hemû şeweyen evînê, hejariyê, çewt û şâşitiyê... kul û derdan, şêtî...û piştî êşeke ko nayê pesindan dibîne û bi van tevan ew tê perçiqandin û strihandin, êdî ji nû ve, di wê pileyê de ew di bin fişareke mezin de, têgehiştina hîzrên xwe winda dike û hîzir dibine rastiya jiyana wî". Ev beşek ji 'Nameyên dîdariyê' yên Arthur Rimbaud bû. Bi rastî, ew têgehişt ko ji bona afirandinên hunerî ferehkîrina bergehêن hestan pêwîst e û helbet wî bi xwe jî gelek ezmûneyen sewdanî û lêkerî kirin.

Li malê Rimbaud ne dilxwes bû û vê dihişt, ko ew gelék caran ji malê bireve Parîsê û xwe bavêje nav keftelefta xelkên bohêm, ên li wir dijîn. Car caran ew divegerandine malê, lê wî xwendina xwe berdewam nekir û li şûna xwendinê berê xwe dida meyxaneyan, alkoholê, narkotîkê û jinên arzan. Lê ew ji pirtûkxaneyan jî bidûr nediket. Wî gişt hemû pirtûkên li ser sehrbaziyê, alkêmyayê û hemû tiştên din, yên givar û balkêş dixwendin. Di dawiyê de wî bêveger ji malê bazda û çû cem helbestvanê neurotîk Paul Verlaine û li cem bi mal bû. Dihate gotin, ko pêwendîyeke nedurist di nav herdulan de hatîbû li dar xistin. Ew herdû weke toleyan dijîn û li seranserî Ewropayê digeran. Ew demekê li Londonê man û dîse vegeرانe Fransayê. Lê di careke ko Verlaine sermest û bi siran ketibû, wî guleyek avête Rimbaud û ew ji milê wî ve birîndar kir. Ji wir û pêde êdî Rimbaud nema qîma xwe anî, ko pêre bijî. Hin dibêjin ko kesayetiya Verlaine kesayetiyeke lawaz bû. Wî xwe bi Rimbaudê deh salan ji xwe piçûktir ve dihilperikand û dixwest, ko xwe pê bilind bike.

Heyama Verlaine kuta bû, Rimbaud careke din vegera malê û li wir dest bi berhema xwe ya pêşî û mezin kir ko bi navê *Une saison en Enfer* (Demek di dojehê de) e. Ligor gotinêni diya wî, Rimbaud ew kar 'bi kelogiriyê, bi giriyê şérîn, bi nalîn, bi tinazok, bi tqiqîqâ bilind, bi seyd, bi torebûn û bi lanetkirinê', bi tenê di bin çatiyê malê de, dikir. Karê mezinî din yê Rimbaud *Illuminations* (Ronîkirin) weke berhema herî şoreşgêr tê jimartin. Dibe ko Rimbaud ew li dora sala 1874an nivîsandibe, dema ko bi helbestvanekî din re bû, yên bi navê German Nouveau. Ew herdû bi hev re di bin çadirekê de dijîn.

Piştî vê Rimbaud xwe ji literatûrê dûr xist, an jî, negeha ko careke din

lê vegere. Wî jiyana xwe ya mayî bi ger û koçbûnê derbas kir. Ew li Nemsâ, Holand, Almanya, Danêmark û Swêdê gera . Salên 1878-1879 wî bextê xwe li Qubrisê ceriband, di pey re wî berê xwe da Misrê û li dawiyê ew çû Etyopyayê. Li wir wî ebora xwe bi bazirganiya qehwe, çerm û çekan dikir. Dibêjin jî, ko wî bazirganiya kolejan dikir. Lê wî ev tişt di nameyeke xwe de daye mandelayê, êdî naxwe emê çima li gotinê wî bi şik derkevin û emê wî bi tiştekî wilo tawanbar bikin. Rimbaudê evdal jiyana xwe ya kurt û weke babilisokê di nexweşxaneke li Marseilleyê gehande berbi dawiyê. Ew reben, şepirze û bi lingekî jêkirî, di 10ê mijdarê ya sala 1891ê de canê xwe siparte taristana sermedî û laşê xwe siparte axa sar.

Di helbestên pêşî de zimanê Rimbaud, tijî hevguncîna bilind in, vebijartina gotinan bi guman û balkêş in. Pir slang (peyvîn tewtewe yên cadan), derbirîmên sixêfkî û gotinên nenas bikar dianî. Di pexşana (proza) xwe de '*Demekê di dojehê de*' ya ji neh parçeyan, ko berhemekê bi rastî sergerde ye, ew bi bez xwe ji wêneyekî çeng dike wêneyekî din, pêl her bîrsayı û logîkê dike û li şûna wê ew li ser hesteyên xwe yên tev bi kul û derd dinivise. Şirovekirinê li ser vê berhemê gelek in. Hin wê weke peymana lêborînê ji dema, ko bi Verlaine re bû dibînin û weke xatirxwestina ji lîteratûrê dixwînin. Hin jî dixwazin bibêjin, ko nivîsa wî mukurhatina guhertina hundurî ya 'herî dawî ye, ya ko bi Rimbaud re qewimiye û pê ew berbi sincêñ gehayî ve diçe'. Ez bi xwe dibînim, ko ev berhem gelekî xemgûn e û ew neynika dilşikestî û depresyonên kûr yên giyanê wî ne û reva wî, ya sermedî ji rastiyê ye, rastiya, ko nedîşıya wê bipejirêne. Dinya jî ne ew dinyaya, ko wî pê behwer kiribû. Ew gelekî reşbîn û hêvîşikestî bûbû û ji hundur ve ew bi kûrayî birîndar bûbû.

'Ronîkirin'a Rimbaud çi ye?
 Ez bi xwe, bervajiyê gelekan, baş tênagehim, lê ma gelo têgehiştin gerek e? Ma pêwist e, ko mirov wateya her hevokekê û gotinekê nas bike? Helbest li ser çi ye, ne ew e tiştê herî giring. Ez behwer dikim, ko tiştê herî sereke ew e, ko her hevok û her gotin bi formeke ko neyê jibirkirin li hev biguncin û di hişê mirov de bimînin.

Di 'Ronîkirinê' de ziman bi



awayekî cida hatiye nivîsandin, gelekî bi harmonî ye û geş e. Hin beş pesnê cih û mirovan didin û hin jî serpêhatiyên tarî û bi mij û moran dibêjin. Ew weke dûrdîtinên bêzemîn in.

Her rûmet ji Baudelaire re, lê ez behwer dikim, ko Rimbaud bi çirisandina xwe daye pêşıya wî. Rimbaud weke zarokê wêjeyê yê herî balkêş e. Ew xwediyê behreyeke resen e, ew ferișteyê ji ezmanan werbûyi ye û ew mamostayê şeytanî ye. Ew weke nîvxwedayekî dihate bilind kîrin. Lê ma ka ew çi bû? Mixabin, dema ko ez li ber xwe didim, da bersiva vê pîrsê bidim, ez xwe bêçare û bêdesthilat dibînim, lêbelê ez nahêlim, ko hûn bê bersiv ji vir herin.

“ Ez! Ez bi behwerî bûm, ko ez sehirbaz im, yan jî
ez ferişt im, ez ji her
erkê moralî azadkîrî me,
ez careke din bi ser
rûyê zemînê de
werbûme, bi erkê ko ez
ji xwe re li erkekî
biqerim û da ez pê
rastiya kop û kulek
bipelixênim û tertûbela bikim”. (ARTHUR RIMBAUD)



JI DÎMENÊN CENGA MEZIN



Duh bû me d'go tu dêw î
îro tu mayî sêwî

Ser milên te yıldız in
Memûrên te giş diz in

Enwero xwelî sero
Rebeno bê eskerô

Van sebavên misqofan
Anîn lêmişt û tofan

Esker mesker tev kuştin
Paşa maşa maliştin

Li çolan wek roviyan
Ji tırsan direviyan

Ramalîn tabor mabor
Çiya kirin xwîna sor

Çawa bi vî eskerî
Te kir şerê Qeyserî

Keko tu ne hember î
Hey paşayê hemşerî

Ji devê Dirbasê Wanî yê şêst salî.
Mûsil sala 1947an

ŞERÊ SARIQAMÎŞÊ ENCAM Û VERÊJ


Ev Enwer, Enwer Paşayê bi nav û deng e, serlesker û qumandarê şerê Sarıqamışê bû. Ev şer, şerekî mezin û pir dijwar bû. Beste jî ya mitirbekî serhedî ye û têde encama wî şerî bi şkestina ordiya tirkî radigehîne. Silêmanê Misto vê carê jî wek her car bi "Hey dinyayê, wey li wan rojên reş, rojên kuştinê, rojên mirinê, rojên birsîbûn û kütîbûnê, qirkirina ermeniyan, dev bi gotinê kir":

- Pir kesan bîrhatinên xwe, yên wî şerî gotine û ez nizanim ka kê çi gotiye?! Lê herkesî li gor dîtina xwe, belkî jî, kêm-zêde, li gor hezkirina xwe gotibe. Ez jî, ko di wî şerî de çawîşekî servan bûm, dixwazim dîtinên xwe ji civatê re bibêjim. Helbet mirov nikare hemû tiştan bizanibe, enceq mirov heke derewan neke, bikaribe ya ko bi çavê xwe dîtiye, bizanibe. Ên dîtir hemû li ser texmîn û gumanê dimînîn.

Di vî şerî de ordiya me ya sisiyê ziyanekê pir mezin xwar. Ev ziyanâ pir mezin ji her alî ve û di hertiştî re xuya dikir, ko mirov zabitên bêkar û bê esker didît, êdî veşartî nedima. Kuştî û

SEBRÎ BOTANÎ

3



birîndarêne me pir bûn.. Bilî wan kuştî û birîndarêne ko li çol û çiyan mabûne bêkes û neguhastî, ji xwe hejmara wan ji rûsan û dehbeyên çolan pêve ti kesî nedizanî, çend e? Ü bi hezaran neferên me yên winda jî hebûn...çi firar, çi dîl û çi jî ew neferên ko xwe ji bo revê

veşartibûn... Hindek ji blokên taboran bêhemdê xwe piştî şkestinê tevlîshev bûbûn. Vê yekê kir ko her kes bi serê xwe be, negirêdayî ti kesî yan ti blokê be... Herweha dan û standina wan blokên nîvçe û jihevketî, bi meqamên ser xwe re nemabû, çûnkî telegraf û telegrafçî bêser û şûn bûbûn. Kurt û Kurmancî, em dikarin bibêjin ko tiştek bi tiştekî ve girêdayî nemabû. A çûbû çûbû û ya mabû jî şerpilşbû...

Vê rewşê kir ko di serê wê zivistanê de û di wê kulpê de, li hindek deran xurak û erzaq hebe û li hindek deran letek nanê req jî peyda nebe. Lê biqasî ko ew şervanên bîrsî bi şkestina xwe û bi kuştina hevalên xwe, xemgîn û fihêtkar bûbûn, bêtir ji ewqasî ew bi riswabûn û şepirzebûna wan serleskerên bêkar û bêleşker, kêfxweş bûbûn. Bi ekere tinaz û yarıyên xwe bi gotina istixbaratê dikirin ko digot:

*Heger ziyanên rûsan di vî şerî de ji
yêne ne bêtir bin jî, lê bi her hal
ne kêmter in. Zabitekî ernaotî gote
çawîşekî:*

-Ka ew xezete? Rojname li kû ye?
Ê çawîş bi dengekî bilind, bêtirs û
şerm gotiyê:

- Efendim, min qûna xwe pê
paqikkir û xwar. Ci gava min xwe
vala kir, hingê here bibîne. Hemû
binasê yêne mîna te bûn, me bi
sedan, belkî jî bi hezaran kuştî û
birîndar jî bo rûsan û dehbeyên
çolan li paş xwe hiştin...

Êvarekê dîsan sêzdeh ji wan
zabitên bêkar û bê esker, di ber me
re derbas dibûn, me yek tenê nas
kir, navê wî Îzzzz... bû " Li vir
Silêmanê Misto ê ko em dikarin ji
nuha û paş de navê wî bikin
Silêman Çawîş, bi bilêvkirina navê
Îzetî re, kenekî bilind û ji dil hatê,
rondik ji çavên wî barandin. Êdî
tîqefîqa civatê jî odeya teng û
piçûk dagirt. Bê ko zanibin bi çi
yan li çi dikenin...

- Li min negirin! Silêman Çawîş
got. Di şûna ko bigiriyama, vî Îzetî
kir ko ez we jî bi xwe re bikenînim,
lê hûn dê bibînin ko hemû
pêkenînen min ji sitem û zora
dewleta romê dipijiqin. Ji çepelî û
hovîtiya zabitên wê dipijiqin. Ez
naçar im li ser xeslet û kesitiya vî
Îzetî bisekinim û kirinê wî yên pîs
û çepel, ko min bi çavên xwe dîtine
bi dirêjî bibêjim... Lê di pêş de em
binêrin ka piştî şkestina ordiya me
ya mezin û tekûz, Enwer Paşayî çi
kir, paşê vegerin ser çiroka Îzetî.

Lijneyeke pêncesi bi navê *Enwer
Paşayî* hat; mifetişek disinfîno,
bînbaşiyek, elmanek, yozbaşiyek,
sivilekî serpiçûk û simêlmezin,
başçawîşek, sê çawîş û şest nefer

esker jî bi wan re bûn. Berî hertişî,
ew blokên kêm nefer û jihevketî bi
lez bi hev ve pînekirin. Û paşê çil-
pencî nefer ji vir, heftê-heşte ji wir,
sêsed-çarsed ji firarêن ko hatibûne
girtin û dîsan vegerandibûn, hindek
jî nizanin ji kû anîne û ew kêmasî û
valahî pê dagirtin û birin qontar û
pesarêن du ciyayêن pêşberî hev û
çepirandin, ko ev jî li gor plana
wan, dê bi vî awayî rê li êrîş û
hatina leşkerê rûsî bigirin û bi xwe
ve mijûl blikin û nehêlin derbas
bibin. Da hingê ji paş ve taborek
eskerê berhevkirî û veşartî, ji nişkê
ve êrîşî wan bike û tola şerê
Sarıqamışê ji wan bistîne. Lê pa
rûsan ev êrîşa plana *Enwerî* nekirin
û dê nekin jî, wek em dê bibînin...

Nuha dor geha çiroka *Îzettî*. Cara
pêşî ko min ev *Îzet* dît, wek ez
generalekî bibînim. Lê ne tenê min,
herkesê ew didit ev texmîn dikir.
Îzet yozbaşî bû, yozbaşî *Îzet* bi reng
û rû mirovekî qenc, nerm û hêmin
dixuya. Lê di rastiya xwe de ew
hovekî tûj û serhişk bû. Ta neqencî
hebwa, wî qencî nedikir. Loma
neferên wî yên tirk û laz navê wî
kiribûn *Poxbaşî* û yên kurd jî
Mîzbaşî jê re digotin. Ev *Îzetê* sert û
serhişk, di şerî de dinya lê dibû
konmişk. Lê di rojêن bê şer û xweş
de ew ji hemû hevalêن xwe şoxtir,
derewîntir û ziman dirêjtir bû. Bi
her behaneyê, wî xwe digehande
neferên ko ew ji wan ve nenas e,
mîna derwêşekî sextekar û zimanlûs,
bi gotinêن qelew û qebe, şîretên dîn
û diyânêtê li wan dikir û hwd.

Me bawerî bi xwe, bi dînê xwe, bi
sultanê xwe û bi dewleta xwe heye,
ko em dê van rûsêن gawir bişkênin
û *Qafqasa* xwe jî, ji wan bistînin...
Herkesê dilê wî bi ermenî û êzîdiyan
bişewite, yan alîkariya wan bike, ew



kuştina xwe helal dike! Ew dergehê dojehê ji xwe re, bi destê xwe vedike!

Tawan û gunehêن yozbaşî *İzetî* zaf in û hemû jî mezin in... Rojekê sê neferên rûsî ko yek ji wan birîndar bûbû, bi dîlîtî ketibûne destê dewrîyeke eskerî de. Pişti guhaztina wan, ew şandibûn cihê komkirina dîl û girtiyên şerî. Lê bextên wan ew ajotin û anîn ber destê vî *İzetî*. Di şûna ko *İzet* wan biparêze, yan veguhêze eihekî veder û hêmin, her sê ji cilkirin û wilo bi rûtî- çîpçîplaq- radestî (teslîmî) *Şehabê Mûsîlî* û pênc neferên din ji yên xwe kirin, ew birin di kortekê de avêtin û bi dar û keviran kuştin... *İzet* bi behaneyâ ko rûs jî dîl û birîndarên me dikujin, ev her sê kuştin. Lê ti kesî bawerî bi gotina wî nedianî, piraniya neferên li wir ji hev re digotin:

Pa gelo heke rûs pê bihesin em dîlîn wan dikujin, nemaze wisâ bi hovîtî, dê rewşa dîlîn me li cem wan ci be û çawan be?

Lê ne tenê *İzetî* ev gunehêن mezin dikirin! Dihat gotin ko li deverine

din jî zabitên me dîlîn cengê dikujin... Ew du roj bûn ez hinavêş û li cem neferên erzaqê li hêviya hatina doxtorî bûm, wek dibêjin bûbûm, 'civanê jijû', ka dê kengê bigehe... Nîvroyekê çawîşek û pênc nefer, ji yên şopgerînê(teqîbatê), pênc zilamên ermenî bi destên paşve girêdayî anîne sparteyî zabitê idarî *Balîkesirlî* kirin. Yek ji wan ciwanekî 17-18 salî bû, yên din 40-45 salî bûn. Her pênc jî pir hatibûn êşandin. Em, ew neferên ko li wir bûn hemû bi anîna wan guhişîn. Çunkî pişti şerê *Sarıqamışê* êdî bêpirs û bersiv ermenî dikuştin. Pa gelo bo ci evê hanê bi saxîtî anîne?! Ta paşê hat zanîn ko kareke *Balîkesirlî* li ser dozekê bi wan heye û dê paşê li ser daxwaza istixbaratê her pêncan bişînin *Mûşê* û bispérin. *Orxanbabası* zabitê erzaqê, ko mirovekî bêziyan û çavnetirs bû, ta dil dixwaze ew xêrxwaz jî bû. Lê digel vê jî, wî li hertiştî dipirsî û carnan mayê xwe jî di hindek şolan de dikir, lê bi vajîtî, wî rastiya hertiştî vajî dikir. Heger dinya germ bûya, wî digot:

Ez qerisim, ev ci sir û seqem e! Heger bigota bijî Sultanê me, mirov dizanî ew dibêje bimire Sultanê me... Hingê, her kesî dizanî ko ji mêj ve bû, carekê xelkê bajarên mezin bi hev re rabûbûn serpiyan û bi deng û hawarên bilind gotibûn 'Sultan Reşad, fisq û fesad!' Orxanbabasî ev gotina ko hingê kevinbûyî û ji bîra herkesî çûyî, ji nû ve piştî şerê Sarîqamîşê bi mehekê, ji neferên xwe re vajî kiribû, gotibû 'Gelo kengê dê careke din xelkê me bi hev re rabin bibêjin, ko Sultan Reşad, edalet û cihat!

Ji ber vê zimandirêjî û zêdegaviya wî, nemaze li gor rewşa wê dem û cengê, yekser ew girtibûn. Lê paşê min nezanî û ti kesî jî nedizanî, çawan û ji ber çi Kazim Qere paşayî ew dabû berdan û efo bûbû. Êdî ji wê rojê ve tobe kiribû. Wî êdî ne bi qencî û ne jî bi xirabî, ne navê Sultan û ne jî yê dewletê nedianî ser zimanê xwe. Lê ko wî ew pênc ermenî ji nişkê ve di wê rewşa xirab de dîtin, êdî xwe negirt, wek kesekî nîvmest û hay ji xwe nemayî devê xwe şewitand û tobeya xwe şkand:

- Waaay... Hey hawar... Axir zeman e! Axir zemaaan... Ji ber çi wisan

hatine hingavtin?... Ey felek çerxa Babulalîyê te wergere!... Ey xwedayê min, hemû finasê te ye!... Heger mirov di şeran de bêne kuştin û birîndarkirin, bila, lê bila dîl û girtiyan eşkence nekin. Xwedayo vê yekê qebûl neke!

Orxanbabasî têra xwe got û vegot, paşê ji Balîkesirlî pirsî:

- Gelo destûr heye ko ez xwarinekê ji wan re bînim?!? Balîkesirlî ji despêkê ve bi awirêñ kînê li wî

dinerî û bersiva wî jî neda. Êdî hema ew pirs ji ermeniyan bi xwe kir. Lê Balîkesirlî nehişt ermenî jî bersivê bidinê û bi hêrs gotiyê:

- Te mafê vê pirskirinê nîne! Ne ji min û ne ji wan! Tu zanî? Heger işev serên xwe yên hişk ji wan pilan û saluxên genî vala nekin û rastiyê eşkere nekin, dê hingê xwe bibînin!!!

Di vê kêlîkê de Izet û neferê xwe yê herdemî Şehabê Mûsilî mîna du cinan ji nişkê ve peydabûn. Izet û Balîkesirlî bi germî hev hembêz kîrin û paşê li hember hev qît sekînîn û pistepista wan despêkir, lê dirêj nekir û Izetî mîna hovekî har berbi Orxanbabasî ve lezand û hat, çav di serî de sor bûbûn. Bi dengekî bilind gotiyê:

- Heydê here gûyê diya xwe ji wan re têr bîne û tu jî bi wan re bixwe! Heydê zû ji pêş çavê min biqeşite û kuştina xwe wek ya ermeniyan li me helal neke û neke jî ez devê xwe li te vekim!!! Cara pêşî me tu dabûyî xatirê potîna Kazim Qercpaşayî...

Roja paştir hindek neferên li wan deran komeke piçûk ji ax û keviran, ji dûr ve didîtin û bi tiliyan nîşa hevalên xwe dikirin... Pênc term perçiqli û destgirêdayî di bin de bûn... Hindek îfreyên zêr û mecidîyên zîv, ko ji nîv cil û pêlavên wan deranîbûn, berîkên Izetî û Balîkesirlî pê girntir bûbûn. Şehabê Mûsilî jî bi saeta serkîsor a ermeniyekî ji wan hatibû xelatkirin û zincîra wê ya ji zîvî lihe, bi bedena sakoyê wî ve diteyisî... Orxanbabasî zabîtê erzaqê jî xwedê bide, erdi ew daqurtand, ezmanî hilkişand!! Ji Izetî, Balîkesirlî û her sê-çar neferên Izetî pêve, ti kesî nedizanî. Lê kî nabêje ko termê wî, di binê wê komika ax û keviran de, ne yê şeşê

bû? Belkî. Lê ya ji hindek zabitan re bûbû xem û xwezî, yozbaşîtiya *İzetî* bû.

- Gelo ev yozbaşîti ji çi yan ji kû jê re hatiye? Digotin...

Xwedayo, ne ji devê min, lê pistepisteke ne kurt di nêv zabitan de hebû. Li ser bextê kesê gotibû. Digotin ko berî şerê *Sarıqamışê* bi mehekê hindek kesên sivîl li *Enwer Paşayî* bûbûne mêmvan, ev *İzetê* bavê xwe jî, yek ji wan bû. Ti kesî ji wan 'Kulile Askeri-Lisesi' belkî bi çav jî nedîtibe, ta dor bigehe xwendina ders û meşqên wê û mercên wê yên dîtir. Lê *Enwer Paşayî* ji cem xwe, û di çadira *Mîralayî* de û li ser daxwaza 'Şêxul-Islam' û yawirekî Sultanî, ev qenciya piçûk li wan kiriye! Sebeb jî ligor texmîna wan ew e, ko madem bijartiyên 'Şêxûl-Islam' in, bêguman pir zîrek û hêja ne. Ko çîrok ev çîrok be û *İzet* jî ev *İzet* be, helbet wî hêsta tiştek nekiriye ko hejî gotinê be. Eva ko 6-Sako: çakêt ta nuha webihîtiye serpêşk û dilop in. Heşa lehî negehaye, dê di dema xwe de bigehe. Ez ne bi lez im û hûn jî ta dawiya vê serpêhatiya min û pênc ji hevalên min, bêhna xwe li min fireh bikin. Hingê hûn dê bibînin ka ev *İzetê* bavê xwe, ev qaremanê Sultanî, bi çi mijûl e, çi dike û dê çi bike jî?! Ji ber ko -bi texmîna xwe- ew jî mîna hevalên xwe, nişan û xelatên dewleta *Ali Osman* ji xwe re misoger bike...

1-Yıldız: stîr

2-Kulp: xela, birçtiya tund

3-Poxbaşı: gûbaşı

4-Civanê jijû: gotineke pêşyan e, yanî li benda hatina jijû

5-Lihe: resen, esîl

Dil

HELBEST

Dilê ko bi xeman
neyête şûştin
spî, paqîj nabe.


Dilê ko bi evînê
neyête avdan
şîn, geş nabe.
Dilê ko evînê
belav neke
ne dil e,
kavil e.

Evîna te

Reşbûna wan
herdû
çavan, baranê
li dilê tî
dibarîne.

Kenê wan
herdû lêvên
tenik
bêhêviyê
ji dil
direvîne.

Evîna te
ez nizanim
caran min sax
dike
lê pirê caran
min
dimirîne.



Elmedê Mele Mihemed

DEHBELORÊ

Wergerandina ji rûsî: Bêkesê Têlo

Berî kêlîkekê, min bakire cêriya me Yûlya Vasîlovnayê, da were bodeya min a kar, da ko ez kiriya wê bidêmê. Min jê re got:

- Fermo Yûlya Vasîlovnâ, rûne! Bêguman pere ji te re divin, tu ewqasî şermokî yî, tu bixwe ji min naxwazî. De ka em bi hev re bihejmîrin. Baş e! Levhatna me ew bû, ko ez her mehê sîh rûbilî bidime te..

- Çel rûbil!

Na. Sîh rûbil in, ev li ba min nivîsandiye û min timî ewqas dida we cêriyan. Baş e! Tu bixwe du mehan li ba me xebityî...

- Du meh û pênc rojan...

- Li nik min tenê du meh hatine nivîsandin. Naxwe tu xwediya xwe û şest rûbilî yî. Emê neh rojên yekşemê ji wan bibirin, çunkî di van neh rojan de te Kolya hînî xwendinê nekiriye, tenê te ew derxistiye seyranê, û sê rojan jî cejin bûn.

Rûyê Yûlya Vasîlovnayê sor bû û tiliyên xwe di kirasê xwe de dicikandin. Lê... Bêdeng ma.

- Eger em hersê rojên cejnan jî bibirin ko dikin diwazdeh rûbil... Jixwe dema ko Kolya nexwes bû te tenê Faryayê hînî xwendinê dikir. Hersê rojên ko diranê te diêsiyan kebaniya min piştî firavînê tu serbest

dikirî. Îca diwanzdeh û heft dibin nozdeh. Eger em ji şestî nozdehan hilînin, dê çel û yek rûbil bimînin. Rast e? Çavê Yûlya Vasîlovnayê yê çepê tije rondik bûn, cena wê dijenî û bi bîntengî kuxiya, girêza xwe paqîj kir, lê tu deng jê derneket.

- Berî sersalê jî te perdaxek û laliyek şikandibûn, em dê li vir jî du rûbilan ji wan kêm bikin. Perdax ji wilo buhatir e, hê! Diyariya dapîra min bû, lê ez çi bikim, bila xwedê ji te razî be. Erê...

Û çunkî te baş guh nedabû Kolya, lewra derketibû ser darê û çakêtê xwe çirandibû, ji bo vê sersariya te emê deh rûbilên din ji wan kêm bikin. Herwisa emê pênc rûbilên dîtir jî bibirin, çunkî dîsa sersariya te wa kir ko jina gavanî potîna Farya bidize. Gerek e tu guhêñ xwe

ŞEXOV

bidî her tiştî. Ev kar karê te ye û tu pereyan li ser disitînî!!

Û di 10ê çileya paşîn de te bi destê xwe deh rûbil ji min standibûn.

Yûlya Vasîlovna bi kurtepistî got:

- Na min tu tişt ji te nestendîye.
- Temaşe bike! Wisa li ba min nivîsandiye.
- Baş e.. De bila wisa bit!

- Emê bîst û heftan ji çel û yekê bibirin... çardeh dimînin. Herdû çavên wê tijî hêşir bûn, li ser bêvila wê ya dirêj û spehî jî çend dilopên xwêdanê xuyanî bûn. Heywax li vê keşa belengaz! Wê bi dengekî nizim got:

- Careke tenê min sê rûbil ji xanima we stendine, ji bilî wan min nebirine.

- Ne wisa! Binêre min ev ne nivîsandibû, nexwe emê sê rûbilên dîtir jî ji çardehan bibirin, dê yanzdeh rûbilên te li ba min bimînin. Hê te çi got? Fermo xanima min a pir hêja. Sê...Sê...Sê, yek...Yek. Fermo. Min her yanzdeh rûbil dane wê. Bi destine lerzokî rahişte pereyan û xistine bêrîka xwe û got:

- Spas.

- Pêrepêre ji hêrsan ez rabûm ser piyan û li odayê çûm û hatim, hêdî hêdî hêrsê ez digirtim, min jê pirsî:

- Spas ji bo çi?

- Ji boyî pereyan..

- Lanet li şeytên be, min tu wêran û talan kirî, û bi ser de jî tu spasiya min dikî?

- Li gelek deverên dîtir tu tişt nedidan min...

- Nedidan te? Dikare wisa be. Min henek bi te re dikir, lê bila ji te re bibe ders. Ez dê hemû pereyên te bidime te, hemûyan, her heştê rûbilan, va min ew ji te re amade kirine, di vî qewlikî de ne. Lê çîma wisa tu bêhêz î? Bo çi berxwedanê nakî? Bo çi tu bêdeng dimîni? Ma dibe, tu di vê cîhanê de ne xwedan qulôçen tûj bî? Ma dibe, ko wisa tu kawik bî?

Bi kotekî bişirî û min di rûyê wê de 'dibe' xwend. Ji bo vê dersdana req min lêbûrîna xwe jê xwest, û min her heştê rûbilên wê xistine destê wê.

Bi rûyekî şermokî spasiya min kir û ji malê derket.

Min li şopa wê temaşe kir û ramiyam: 'Ko di vê cîhanê de tu xwedan hêz bî, çendîn hêasantir e'.

QAMIŞLOKÊ

Ji bo herdû canêñ pîrozî, bo Kêmal û Şêxmûs,

Li ber bejna vê dûriyê
Destên min lawaz û kurt in
Li gerdena te nagihim
Li hembêza şevçiraxî te yî îro
Ez bê per im
Evîna te li dûriyê çengo kirim
Li pencera lêbanîna dilsojiya dîna te
de
herdixwênim
Di eşkefta asêgeha sînga xwe de
timî ezê biparêzim
Rengê rûyê evîna te
Xemla geşt û newrozêñ te
Ji bîr nakim rûniştina li êvarê
li ber siha dîwarêñ te...
Di kehnîka çavê min de
dileyizin gelek wêne...
Keftelefta ji bênanî, bêçariya
hejarêñ te
Leyistik û bezîneka biçûkêñ te
Li nav toza naverast û kolanêñ te

Li ser çengê balendeyê vê dûriyê
dilerizim
Li pêşîra bîranînan diponijim



KEÇA KURD

Ji henasa xwe diçejim şêraniya wî
şîrikê zilgenimî
Çolheşîna rojgarêñ te
Li xûsiya ci dûriyê naqerise hingivînê
balkêşıya evîna te.


Nivînek a spî xewnan bi hêvî bû
Li bahoza vê payîzê îlîandina birûskê
bû
Rêbwarekî bê oxirî xwîndarî bû

Li darbestan li nav perda xemgînî bûn
 Li hicrika pênasînî tenahiyê du navdarên paye berzî li mirina hevpişkî bûn
 Li mizgefta oldariyê limêkerên derîzana deryê te bûn
 Di kendava xebatê de melevanê jîndariya navê te bûn
 Du pêşengên xemhilgirî Karwanê doza te bûn
 Li rû koçka sitemkaran ji bo nanê kurdên hejar
 Li rîbwara kargêrî bûn
 Qeder bo wan kemîn danî
 Li sîtava pesarê jîn, li kendalê kevî axa mişareka xebatgêrî hildipekîn
 Li nav mijâ, li pehnava baweriyê
 Du estêran hevdû girtin
 Li rehniya birûskekê ber jor ve diçûn Bazek bilind hembêz kirin
 Li asoyê ezmanê te
 Li sihwana spî heyva serfirazî
 Li rû jînê diçerixîn
 Li soravî rûyê roja kurdayefî divemirîn
 Bi kêtûja destê mirin Hêvî bi daxwazê birîn Zerpelçimên vê payîzê bûne bi xwîn Gulistana rengê jînê xemgîn dibû Li kersîha, li vî bayî gulhêviyê me cilmisîn.

Xwîna şehîd ji hewravê têr baran yê xebatgêrî dilê te bû Li te kaniya jîndarî bê Payîzxerek di nav şûva qurbanî de Xweşî li te pîrozî bê Biharek nû... Newrozekî bi hêvî bê.

Ji çavên te ew hêstirêن ko dibarin Li pelçimên gulsosinî keske jîna xebatek nû xunav bikin Di bistanê biratî de xunce li ser çiqla vebin Kêra şehîd sirûdek bê li nasnava te yî iro Wekî gata Zerdeştî bê Ji helbesta Xanî ji ya Berzanî bê.

Despêka meha 12an, 1997
 Almaniya



Bîranînên min
Ji qehwa te pêdikevin
Û ji te re....
Mîna bêdengiyê,
Bêrîkirina xwe li te dikim
Ez dizanim çendî
Di nav gavê te de
Xatirxwestin pêrgî şevê dibe
Û çîrokêñ nîvê şevê
Mîna heyveke li ber pencerê
paldayî

Ma tê bîra te
Dema baran ji wan barî ?
Ezê te vê şevê wêne bikim
Hemî navan ji belatînkêñ te
biçinim

Û te bisipêrim spêdeke bi
dînîtiyê pêçayî
Ez çend pirsan
Di nav şopa te de
Mîna welatekî bêxwedî
bidim bazdan

Giyayê zaroktiyê
Di hundirê kenekî xembar
Şepola helbesta nû ye
Guneha tevan
Bi valabûnê, bi kenê xwe yê..
Gulgulî bisitirîne
Xerîb im û li dawiya qehwexanê
Rojên xwe didim ber pala

gavêñ

te



Bîranînê mirinê

Û dibin çavdêrê stirana penaberiyê

Di hemî gavê min de

Bêdengî diçirise,

Karwanê poşmanî û nependiyê

şiyar dibe

Keçaniya kîjan çîvanokê

Dema tûşî tenêbûnê bû

zerezenga çûkekî

bi evîn û girî xemilandî?

Tîbûna xwe hildigirim

Awaz ji dengê min direvin

Tiliyên min kemançeyeke mirî ne,

Dema li te guh dipelşînim

Ahenga lerzok e

Sernixwîn e

D e r b a s

D

I

B

E

Bi tenê dilê xwe dilorînim

Ji tîrêjên melûliya Dastan û Şîrwan

Ji girî mişt dibim

Û rondikên xwe, bi tiblîn xwe,

yêñ razayî dikim....

Sîmfoniyeke baranî..!

Ma mirov wilo evîna xwe dinivîse?

Şev yarmetiyê nake û...

Berf dibare

Serhildana goristanê ye

Bi kîjan afsanê derbasî simbêlên
min dibe?

Û di quncika şevê de

Dengê tîrêjên kenê wê dikim

Lo, lo, lo, lawo!

Hilperike

Tutin im, û di dawiya axaftinê de

vedimirim

Di navbera hêşir û laşekî nivistî de
ditevizim

Dibim navekî dilrawestiyayî,

... Mîna gulê

Li rîbwariyan bixwîne

Dibim lerizandina kîlîteke kêm pirs

Pirtûkê ji pêşîra xwe re dikişînin

Û di bin xwar û xuziya...,

Dengê xwe de


Dikuxum.

TENGEZARÊ MARÎNÎ



ROMYOSİNİ ➡ yanış ritsos

ROMYOSİNİ



YANİŞ RİTSOS

Di Romyosînî de, Yanîs Rîtsos bi şiyana helbestvanekî mezin û nirxdar hewl dide ko xwîna zuha, ji nû ve, li ser rûpelên zer ên dîrokê, biçurisîne, û hemî wateyêن giranbuha yên hebûnê, mirinê, evînê, xebatê û şoreşê bi şêweyekî berhemdar û pîrozane, hem ragihîne û hem jî di herikîna dîrok û demê de, rola peyvê û awayêن bi gewdekirina rûdan û bûyeran destnîşan bike.

Digel hewldana Rîtsosê azadîperest a ji bo rehdaçikandina bîr û baweriyêن ko mirovatiya mirovan diparêzin û digel hevpeyivîna wî ya bi şoreşa li dijî desthilatê û ya li dijî dagîrkeran jî, Rîtsos tucarî ji asta helbestvaniyê danakeve sewiyetêن derbirîna sade û hêsan ango sawa helbestvaniyê nake bi qurbana rasteqîniya rûdanê.

Helbesta ko li ser şoreşê bête nîvîsandin pêwîste ko wek bejna şehîdêن şoreşê bilind û payedar be, Rîtsos jî ji bo bi karanîna vê bareyê yasayêن xwe yên bi taybetmendiya helbestê ve girêdayîne diafirîne ango wek helbestvan yasayêن xwe yên gelempar û kûr û berfireh da ko têgihiştin û dîtina wî ji bûyeran re ji ya civatê cida be, diafirîne, û di Romyosînî de, Romyosînîya ko Yanîs Rîtsos bi henaseke dastanî û bi mercen helbestvanekî hestdar nîvîsandiye, hemî belgeyêن veçiryayî yên kîlîkên talanê radestî me dike, û bi zarekî şêrîn azadiyê nêzî giyanê me dike.

Şer û kuştin û talan e, gîryan û mirin û xatirxwestina yaran û xoşewîstan e lê Rîtsos dikene!

Ken û sema û serimestî, govend û laqirdî û evîn e, lê Rîtsos digirî!

Ji bo têgihiştina vê hevkêşê yan jî vê nakokiya balkêş,-ken û girî- pêwist e em Romyosînî bixwînin, û ji Romyosînî jî hîn bibin da ko em jî bikaribin nirxeke spehî pêşkêşî xewna xwe bikin.

Pêşgotin û wergerandina Ehmed Huseynî

1

Ev dar, ne ji boyî ezmanekî kêmîtir hatine çêkirin,
 Ev kevir, ne ji boyî gavêن biyaniyan hatine afirandin,
 Ev rû, tenê, ji boyî hetavê hatine durustkirin
 Ev dil, tenê, ji boyî dadperweriyê hatine afirandin.

Cihekî req mîna bêdengiyê,
 kevirên xwe yên şewatker himbêz dike,
 di ronahiyê de darêن zeytûnan û
 werzên sêwîmayî himbêz dike,
 û diranêن xwe di wan de diçikîne.

Av nîne- tenê ronahî ye.
 Rê di ronahiyê de tar û mar bû.
 Û sîbera dîwêr her ji hesin e.
 Dar û rûbar û deng di kilsa rojê de dibûn mermer.

Reh bi ser mermerê dikevin.
 Û bexçeyê nîskan bi tozê dinixume.
 Qantir in û kevir in, helkelkê dikin, av nîne.
 Ji çend salan ve hemî tî ne.

Hemî pariyek ezman dicûn da qiriktaliya xwe gem bikin.
 Ji bêxewî xwîn di çavêن wan de tewiriye
 Û mîna dara kajê ya di navbera du çiyayan de
 di dema roavahiyê de.
 xêzeke kûr di navbera ebrûyêن wan de hatiye kolandin

Destêن wan hişk li ser tivingêن wan in
 Tivingêن wan jî dirêjahiya destêن wan in
 Destêن wan jî dirêjiya giyanêن wan in
 Torebûn li ser lêvêن wan radize
 Û êş - di kûrahiya kûrbûna çavêن wan de- mîna stêrka di gola xwê de
 ye.
 Wexta ko kulmêن xwe dişidînin, hetav baweriyê bi cîhanê tîne
 Wexta ko dibişirin, hechecîkeke piçûk ji rihêن wan ên hovane difire
 Wexta ko radizin, diwazdeh stêrk ji bêrîkêن wan ên vala dirijin
 Wexta ko têن kuştin, jiyan ber bi jor ve, bi dahol û alan, diçe,
 Çend saline dirêj, hemî birçî mabûn, hemî tî mabûn, hemî hatin kuştin,
 bi deryayê û bi zemînê hatin dorpêçkirin.

Germa şewatker baxêن wan zuha kir, şorahiyê xaniyêن wan nixumand,
 Bagerê jî dergehêن wan û çend darkokêن gula qedifeyê yên li meydanê
 ji qurm ve rakirin.

Mirin tê, û di qulêن sakoyêن wan re dibuhure

Û zimanê wan mîna bejna kajê tûj e,

Segêن wan zelûl û lawaz bûne û xwe bi sîberêن xwe nixumandine
 Ü baran jî li hestian dixîne.

Di çeperêن pasvaniyê de daçikyayî ne, cigareyêن ji rêxa çèlekan û ji
 sevê, dikişînin.

Û çavdêriya derya berfînî dikin,

Li wir stûna heyva şikesî bin av bûbû

Ne nan maye û ne jî cibilxane
 Aniha topêñ xwe bi dilêñ xwe dadigirin.
 Gelek salan bi deryayê û bi zemînê hatine dorpêç kirin
 Hemî birçî man, hemî hatin kuştin, lê ti kes nemir-
 Çavêñ wan, di delkeyêñ pasvaniyê de, mîna aleke berfireh, gur dibin
 Şewateke mezin bi sorbûnê tê dadan
 Di her berbangekê de hezar kevok ji destêñ wan berbi herçar dergehêñ
 asoyê ve, difirin.

2

Û her cara ko şev bi kunciya şewitî dadikeve ser sînga kevir
 Dilopek av diniqute, ji sedsalan ve di gewhera bêdengiyê de kolanê dike
 Û zengilê ko bi dara pelkê ya kevnare ve helawistî ye bi ser salan de
 dinehwirîne.

Çurîsk di xweliya wêranê de radizîn
 Ü ban jî têramandina pûrta rengînî ya li ser lêva jorîn a meha temûzê
 dikin

Pûrta zer a wek mûyên garisê ko xemgîniya roavahiyê ew kişandibû.
 Banoya keç; xwedana kirasê fireh û bi tirî nîşankirî di nav zilê de
 hatiye avêtîn.

Li ser rê zarokek digirî û deşt jî bersiva wê bi mîha ko berxêñ xwe
 winda kiriye, dide.

Sîberek li ser çavkaniyê, û av jî di denê de sar û ji berfê ye.

Keça nalbend bi lingêñ xwas û şilbûyî

Nan û zeytûn li ser mersefê ne,

Û minareya êvarê di erzêla werzan de gur dibe.

Û li wir, li cihê bilind, kakêş- di çerxa xwe de digere- bîna rûn û sîr û
 îsota tûj derdixîne.

Ax, em dê hewcedarî çendîn hevrêsimâ di çesnê çurisîna stêrkan de
 bibin,

Da ko em bi derziyêñ kajê (ev, jî, dê derbas bibe) li ser dîwarê havîna
 şewîfi bineqîşînin.

Ew dayika ko dilê xwe bi ser serjêkiringeha her heft lawêñ xwe yên
 qehreman de diguvêşe, dê çendîn dirêj bike,
 berya ko ronahî ji xwe re rêçekê di rêça giyanê wê yê bilind de bibîne.

Ew giranbuhayıya ko ji zemînê hiltê,

Gav bi gav zemînê û têlêñ ûdê dipîve

Û ûd û keman ji êvarê hetanî destê sibê, xemgîniya xwe ji pûngê û ji
 darêñ merxê re dibêjin

Werîs jî, li ser gemiyan mîna têlan dilerizin
 Û keştîvanî jî ji piyala Odîsyosî derya qiriktal vedixwe.
 Ax, nexwe, kî dê dergehî asê bike, dê kîjan şûr mîraniyê bibire
 Dê kîjan kîlît dil bigire,
 û pencereyên wî wisa bi ser berfirehiya xwe de vekirîne,
 mîna ko gulistanê xwedê yên bi stêrkan tovkirî, dibînin?.
 Ev demjimêr mîna şevên şemiyê yên meha gulanê yên li meyxaneya
 keştîvanan, çeleng e.
 Ev şev wek laliya li ser dîwarê hesinkerî, çeleng e
 Ev stran mîna nanê evariya nîçîrvanê isfincê, çeleng e.
 Û li wir, heyva kirîti li ser zixuran di navbera girkokan de diherike
 zingîn bi zingîn, bi bîst rîzêni ji parçeyên hesinê nala pêlavân,
 Û li wir, ew kesen li ser nîrdewanê Navpilyonî hildikişin û dadikevin,
 amade ne.
 Qelûnên xwe bi pelên taristana qalind û zivir dadigirin,
 Simbêlên wan kunciya bi stêrkan çandî ya ji Romîslî ye
 Diranên wan mîna rehêner merxê di tehtan û di xwêya Derya Îcayê de ne.
 Di zencîran de çûn û di êgir de bi keviran re peyivîn
 Û di qafê bapîran de piyala meyê pêşkêşî mirinê kirin.
 Û li nav bênderên mermerê pêrgî Dîcînîs hatin
 Mersefa paşîvê raxistin
 Bêhêvîbûna xwe li ser çökên xwe wek naneke cehî dubeş kirin
 Were, ey xanima ebrûyên xwêyane û destêni ko ji ber perwerdekirina
 hejaran û salên dirêj bi dûmanê qirêjbûyî
 - Were, evîn di nav darêni biyê de bendewariya te dike.
 Û teyrê masiyan, di şikefta xwe de, berzûrî ikona te ya tarî dibe,
 Û şûjiyê derya tal neynûkên lingên te diramûse,
 Di nav werzêni reş de xweşava sor û erxewanî difûre
 Tû jî difûrin, di gîhayê stiryên şewîfi de, difûrin.
 Di xakê de, reha dara mirî avê dixwaze da ko dareke kajê biteqe.
 Û dayika ko di bin qermîçekên xwe de li cihekî kûr kerekê hilfine.
 Were, ey xanima ko li ser hêkên zêrînî yên tav û birûskan rûdine,
 Di rojeke şîn de ko di çesnê şînê deryayê de ye tu yê serçavka xwe bidî
 alî û ji nû ve aştiyê bilind bikî
 Da ko seqema gulanê li eniya te keve,
 Da ko ro wek hinarekê di kirasê te yî pemboyî de hilê
 Da ko tu lib bi lib wê li her diwazdeh sêwiyên xwe belav bikî
 Da ko li her deverê derya wek serê şûr û wek berfa nîsanê biçurise,
 Da ko kevjal xwe li ser zixuran bide ber tavê û lapûşkên xwe bi ser hev
 de biguvêşe.

3

Li vir, li wî welatî

Ji bo kêlîkekê be ji dê roj xefîreya çavên me venemirîne,

Li vir

Dê roj nîvê giraniya hîmê ko me hergav li ser pişta xwe hildigirt, ji dêvla me, berbi jor ve hilgire.

Qermîtkên bêñ, bê henas, li jêr kaboka heyvê dişikin

Û xelk, wek delfinêñ ko di ber qeyika Sîkyasos re dibuhurîn, di ber sîberêñ xwe re dibuhurîn

Û piştre, sîberêñ wan dibin bazê ko baskêñ xwe bi roavahiyê digevizîne û li ser lingêñ xwe rûdine û têramandina stêrkan dike

Wexta ko em li odeya hetavê ya bi mewîjêñ reş raxistî xwe dirêj dikan.

Li vir, her dergehek navek li ser kolayî ye

Navek ko temenê wî nêzî sê hezar sal e

Li ser her kevirekî pîrozmirovek bi du çavêñ hovane û bi porekî di çesnê werîsan de, neqîsandîye

Her zilamek firîsteyek li ser destê wî yê çepê, deq bi deq, deqandiye

Her keçek mistek ji ronahiya şor di bin kirâsê wê de ye

Û pênc şes xaçêñ piçûk û êşdar li ser dilêñ zarokan in

Wek şopa teyrê masiyan a li ser qûma roavahiyê.

Pêwist nake hûn bînin bîra xwe, em dizanîn

Em dizanîn ko hemî rê berbi bênderêñ çinînê ve diçin

Û bager- bi bilindahî - li wir, dijwar e.

Li dûrahiyê, wexta ko nîgara roavahiyê ya ji cebsîna bendergehê şil bibe

Û wexta ko agir, li ser peravê, di kadînêñ kayê de lawaz bibe

Dê pîrejin li ser pileyêñ ko di tehtê de hatine kolandin hilperikin vê dûrahiyê

Li ser hîmê giranbuha rûdinin û wek tayekî, deryayê, bi çavêñ xwe dirêsin

Rûdinin û stêrkan mîna ko mîratgiriyyêñ xwe yêñ ji zîv bihejmêrin, dihejmêrin

Û di dawiya rojê de dadikevin da ko barûda mîslongî wek xwarinê, bidin neviyêñ xwe.

Erê, bi rastî ji, di zencîran de yê girêdayî xwedanê van destêñ xemgîn e lê ebrûyêñ wî wek hîmê ko hergav bixwaze rizgar bibe li ser çavêñ wî yêñ şikestî dilerizin.

Pêl ji kûrahiyan bilind dibe guh nadî berzûrî û lavlavan

Û ji bilindahîyan ba radibe

di damarên bê de gezo

sernişîv dibe û di pişikan de du mersef .

Ax, dê carekê ba rabe da ko darêن pirtiqalan ên di hiş de li ber xwe bibe

Ax, dê du caran rabe da ko hîmê hesin çûrîskekê di çesnê pişkoka teqînê de berde

Ax, dê sê caran ba rabe da ko daristanêن Liyakorayê çiyayê Barnas berbi dînbûnê ve dehf bide

Û bi kulmekê ji mista xwe zordariyê bavêje bilindahiya ezmên

Û zencîra kadizê ji xeleka pozê wê rakişîne da ko li ser çeperan Tisamînko bireqise

Û heyv jî ji me re li daholê xîne hetanî ko dorav mişt zarokên xilmaşbûyî û dayikêن Solyot bibin.

Her sibeh pêximberek ji rûbarê payebilind tê,

Li ser rûyê wî hetava xwesik diçurise

Di bin çekêن xwe de- bi viyan û bi xwebawerî- berbi Romyosînî ve tê Wek ko çawan karkerek li kilîseyê berbi bilindahiya xwe ve tê

“wext hatiye” -dibêje- xwe amade bikin

Ji aniha û pê ve her katjimêr a me ye.

4

Bi payedariya birçiyan bi pêş de berbi berbangê ve çûn

Di çavêن wan yên hêmîn de stérkek bêdeng û tîr dibû

Li ser milêن xwe havîna birîndar hilgirtibûn.

Leşker di vêderê re bihurîn, al bi laşan ve rapêçayî bû

Û serhişki mîna hirmiyeke bejî ya xav di diranêن wan de daçikyayî bû pêlavêن wan ên leşkerî bi qûma heyvê mişt bûbûn

Û toza komira şevê xwe li poz û guhêن wan girtibû.

Dar bi dar, hîm bi hîm, di nav cihanê re derbas bûn,

derbasbûn- stirî mîna balgehan hilgirtibûn- di xewê de

Û ji nav destêن xwe yên tî wek çemekî jiyan bi xwe re anîn.

Bi her gavekê re radek ji ezmên qezenc dikirin-da ko ji dest xwe berdin.

Di delkeyêن pasvaniyê de, wek darine şewitî, dibûn ji bêdengiya kevir

Û dema ko li meydanê govend gerandin

Banêن xaniyan hejiyan û li ser refikan bû çingeçinka piyal û laliyêن ferfûrî

Ax, kîjan stranê gupîtka çiyan hejandiye

Laliya heyvê li ser kabokêن xwe danîn û xwarin

Û di kûrahiya dilên xwe de axînek pelçiqandin

Mîna ko kêçekê di nav neynûkên xwe yên qalind de bipelçiqînin..

Anîha dê kî di şevê de nanê germ ji we re bîne

da ko hûn birçibûna xewnen xwe têr bikin?

Kî dê - li bin siya dara zeytûnê - paşvaniya sisirkê çinînê bike, da ko berbi bêdengiyê ve nekeve,

wexta ko kilsa nîverojê dîwarê asoyê boyax bike û navên wan ên xweşmîrane û giranbuha binuxumîne?.

Ev zemîna ko di berbangê de bîna gulan difûrand.

Ev zemîna ko ya me û ya wan bû

Ev zemîna ko xwîna wan e

Ey hawar çeqasî bîna vê zemînê xweş e!

Çawan aniha bêyî me dergehêner werzêne me hatine girtin

Çawan ronahî li ser banan û daran hatiye vemirandin?

Kî dikare bibêje ko -aniha- nîvê wan di bin axê de ne ,

û nîvê mayî bi merbendan girêdayî ne?

Bi hemî pelan; hetav ji we re dibêje beyanî baş

Bi hemî alan, ezman ronî dibe,

Lêbelê hêjî hin ji mîrxasan di merbendan de dimînin,

û hin jî hê di bin axê de ne.

Guhbidin!- di kîjan kîlîkê de be zengil dikarin lêbidin.

Ev zemîn a wan û ya me ye

Û di bin axê de bi destêne xwe yên girêdayî wérîsê zengil digirin, bendewariya qiyametê dikin.

Ranazên, ji bo bendewariya zengilê qiyametê, ticarî namirin

Ev zemîn a ko ya me ye

Ev zemîn a ko ya wan e

tikes nikare ji me bistîne.

5

Di berêvara teng de li bin darêne zeytûnan rûniştin

Ronahiya xwelîreng bi tiliyên xwe yên hişk û req bêjing dikirin

Rextêne xwe vekirin

Û dest bi pîvana ko dê tengerêyên şevê têra çendîn westan û renckêşanê bikin, kirin

Çendîn qiriktalî di girêkên tolika bejî de ye

Çiqas mîrxasî di çavêne lawikê pêxwas ê ko al berbi jor ve bilind dikir de ye.

Li deştê, hechecîka dawîn bendewariyeke dirêj kir

Wek beneke reş li ser zendika payîzê li ber bê li ba dibû.

Tiştêkî dîtir nema ye- tenê- xaniyên wêrankirî dişewitin.

Û ew kesên ko di bin keviran de razayî ne ji mêj ve ji nik me çûne,
Gumlekêن wan çiryayî ne û sûnda wan li ser dergehê herifî
nivîsandîye.

Tikes negiriya. Wexta me tinebû,
lê bêdengî pir bi lez berfireh bû

Û ronahiya ko bi ser peravê de diket, nerm û lihevhatî bû
Wek karûbarêن malê yên jina kuştî.

Aniha, wexta ko baran digel pelên genî yên
dara pelkê xwe berde zemînê
dê çi bi serê wan bê?

Wexta ko hetav li ser cilan ewrekî mezin zuha bibe
wek beqeke pelçiqî li ser livîna cotkarekî
dê çi bi serê wan bê?

Wexta ko êvarê, leglegê berfê, hişkbûyî, li ser
lûleya sopê radiweste?

Dayikêن pîrejin xwê bi ser êgir de û xweliyê
bi ser serê xwe dadikin

Werzêن Monîmfasyayê hildikin da ko libek
tirî devê dijmin serxweş neke

Hestiyêن bapîrêن xwe digel çetel û kêrên zîvînî
dixin tûrekî de

û li deriveyî dîwarêن welatê xwe bi çolê dikevin
Li cihekî digerin da ko di şevê de tovêن xwe tê de
biçînin.

Aniha, pir çetin e, ko em bikaribin peyvine
Hêz- kêmtür û nermtir ji peyvîn dara qeresiyê,
peyda bikin

Destêن ko li bexçan û li ser çiyan û li binê deryayê
mane, nayêن ji bîr kirin

Em dê çawan bikaribin destêن wan ji bîr bikin?

Destêن ko li ser qondaxa tivingê qerimîn û hişkbûn
dê çawan anîha bikaribin li kulîlkan bigerin,
dê çawan bikaribin spasiyêن xwe li ser kabokan,
li ser pirtûkêkê,

li ser sînga stîrkekê, pêşkêş bikin.

Dê wextekî dirêj bikişîne, û gerek em dengê xwe bilind bikin.

Hetanî ko nanê xwe û dadperweriya xwe bibînin.

Di berbangê de, piştî bahozê, du depên kelekê di qûmê de daçikiyan,
Kanî kelek?

Haleteke cot di zemînê de daçikiyaye, bager e, zemîn şewitî,
kanî cotkar?

Xweliya dara zeytûnê, xweliya werzan, xweliya xênî.

Şeveke seqemdar digel stêrkên xwe di pêlava cotkarî de ne.

Belgeyêñ kindira zuha di kulînê de ne- agir nehingiviye wan.

Çaydanê çayê reşbûyî li ser êgir e- Di xaniyê girtî de av bi tena serê xwe dikele.

Wexta wan tinebû ko xwarinê bixwun.

Li ser destikên dergehêñ şewifî

rehêñ daristanê dixuyan- Xwîn di rehan de diherike.

Û pêjna gaveke naskirî tê. Ma gelo kî ye?

Gava naskirî bi mîxên pêlava xwe, hildikişe.

Xişexişa rehan di kêvir de, mirovek tê.

Peyva nehînî. Mohra baweriyê. Birader e. Êvar baş.

Bi vî awayî- nexwe - dê ronahî darêñ xwe bibîne

Û dar jî dê- rojekê ji rojan- mîweya xwe bibîne.

Cewdikê zilamê mirî hê jî mişt av û ronahî ye.

Êvar baş. Ey birayê min. Tu vê yekê baş dizanî. Êvar baş.

Di kozika xwe ya textînî de, xanima pîrejin Roavahiyê ta û dermanêñ xwarinê difiroşe.

Tikes nakire, bikir nînin.

Hemî berbi zemîna bilind ve; hilperikîne serê çiyê,

Û anîha, daketina wan pir çetin e,

Û pir çetin e jî ko bilindahiya xwe ji kesî re bibêjin,

Û li nav bênderan wexta ko gêncêñ mîrxas, şevekê, paşîv dixwarin

Navikêñ zeytûnan û xwîna zuha ya heyyê li şûna wan man,

Digel pîvana gelêrî ya tivingan

Û roja dîtir, çûkan, jibermayêñ nanê wan xwarin,

Û zarokan jî, ji darikêñ şixatê yêñ ko cigareyêñ wan vêdixistin

û ji darêñ belalûka heyyê, lîsk ji xwe re çêdikirin.

Û kevirê, ko li bin dara zeytûnê, di nîverojê de, li beramberî deryayê, li ser rûniştibûn,

sibehê dê ew kevir di tenûrê de bibe kils.

Û sib na disib em dê malêñ xwe û asîtanka Sant Savyorê bi wê kilsê spî bikin,

Û di roja siyemîn de, li cihê ko serêñ xwe danîne, em dê tovan biçînîn,

Û kulîlkêñ hinarê, mîna kenê pêşîn ê zarokekî yê li ser sînga rohilatê,

dê

bibişkivin.

Û piştre em dê li ser kêvir rûnin da ko em dilêñ wan bixwînin.

Mîna ko -cara pêşîn e- em dîroka mirovatiyê dixwînin.

Wisa, bi hetavê re di sînga deryayaya ko spîbûn bi ser kirasê li hemberî rojê dadikir,

Birûsk û êşa tîbûnê duqat û sêqat hatine hejmartin,
Û xwîna birîna kevnare ji destpêkê ve hate hejmartin
Û dil, li pêşberî xaniyan, wek pîvaza Arcîvê
di qîçîna germê de, şewitî.

Destên wan bêtir û bêtir rengê zemînê wedigirtin.

Çavêن wan bêtir û bêtir digel ezmên diguncian.

Denên zeytê yên ji heriyê vala mane.

Pîçek giranî û müşka mirî li binî ne.

Mêrxasiya dayikê digel denê ji herî û avgîrê, zuha bû.

Û benîstê wêranê wek barûdê tûj e.

Em dê anîha zeytê ji boyî çira Santa Barbara ji kûderê peyda bikin
Û em dê pûngê ji boyî dûmançêkirina bixûrê bo îkona zêrînî a êvarê ji
kûderê peyda bikin.

Û parîyeke nanî bo şeva parsek da ko

li ser kemanê strana stêrkê ji me re bistirê?

Di himbêza girkokên doravê de, hirmî û hûlî û xox bûne şevpest û
sîber.

Zemîn jî bi guleyên topan û bi goristanan hatiye cotkîrin.

Cîgeh û sengerên serekî yên wêranbûyî bi ezmên ve pîne bûne,
hergiz odayek bo mirînîne dîtir nîne.

Odayek bo şîniyan nîne da ko rawestin û guliyên xwe bihûnin.

Û xaniyên şewitî, bi kortalên çavên xwe yên valabûyî,
derya mermerî ji dûr ve dibînin.

Û gule di dîwaran de daçikayî ne;

wek kêran di kêleka pîrozpeyayê

ko bi dara kajê ve, li rada rojê, hatiye girêdan,

Û mirî li ser piştên xwe, xwe didin ber tîna hetavê.

Û wexta ko êvar tê, leşker, li ser tehtên reş, li ser

zik, wan dixijiqînin,

Bi pozên xwe li derveyî mirinê li bê digerin,

Digerin- parîyeke çerm dicûn- li pêlava heyyê digerin,

Kulmên xwe li bin guhê tehtan dixînin da ko

dilopek av derbiçe,

lê -li aliyê din- dîwar vala ye,

Jî nû ve dengê guleya topê ya ko berê xwe dide deryayê, dibihîzin,

Û ji nû ve li ber dergeh nalenala birîndaran dibihîzin.

Tu bi kû de diçî?

Birayê te gazî te dike.

Şev - li her derê- ji sîberên keştîne biyanî hatiye avakîrin.

Hemî rê bi dîwarên herifî hatine birîn.

Tenê rêça ko berbi zinaran ve hildikişe, vekiriye.

Nifiran bi ser qeyikan de dîbarînin û dev li zimanên xwe dikin
da ko êşa ko hê nebûye hestî, hest bikin.

Li paş çeperan, li beramberî serleşkerên serjêkirinê, radiwestin û
pasvaniya kelehé dikin

Di bin cilan de, laşên wan şildibin,
lo, bira can, ma tu newestyayî?.

Guleyê di dilê te de bişkojgirt,

Pênc gulên qedîfeyî di bin çengê tehta zuha de, şîn têن,
Bînxweşîya nazenîn keser bi keser, henas bi henas, serpêhatiya efsanewî
dibêje

- Ma nayê bîra te?

Pêvedan bi pêvedan, birîn, çîroka jiyanê ji te re dibêje,

Û kulîlka biharê ya ko di qirêja neynûka mezin a lingê te de hatiye
bişkivîn

Li ser spehîbûna cîhanê ji te re dipeyive.

Tu xwe bi destekî digirî, destê te ye, bi xwêya deryayê hêwî bûye.

Û derya jî deryaya te ye.

Wexta ko tu mûyekî ji serê bêdengiyê hildikî
mastê dara hejîrê qiriktaliyê dîbarîne.

Tu li kûderê bî ezman te dibîne.

Û stêrka êvarê, giyanê te wek cigareyekê di nav tiliyên xwe de dipêçe
wisa li ser pişta xwe dirêjkirî tu dikarî giyanê xwe bikêşî,
û destê xwe yê çepê bi şeva zelal û mişt stêrk, şîlbikî,

Û dema tu destê xwe yê rastê li tivinga xwe, destgirtiya xwe, bialînî,
bîn bîra xwe ko ti carî ezman tu ji bîr nekiriyyî.

Iewra tu nameya wê ya kevnare ji bêrîka xwe derdixînî
û tu - di wexta ko tu heyvê bi tiliyên xwe yên şewîfi vedikî-
li ser mîranî û serbilindahiyê dixwînî.

Tu yê hilperikî -piştre- rê û tu yê hilkişî cîgehê çavdêriya dorava xwe,
tu yê tivinga xwe bi stêrkan dagirî,

tu yê guleyekê berbi jor de, bi ser dîwar û asêgeh û kelehan de, berdî bi
ser çiyayêن

ko mîna leşkerine birîndar xwe çemandine da ko
tu şevpestan bitîrsînî û wan berbi sîberê de dehf bidî-

Tu yê guleyekê rasterast berdî sînga ezmanan da ko
tu mertalê şînahiyê birîndar bikî,

Mîna ko tu yê di gumlekê wê de,
memika jina ko sipêdê dê

şîr bide zaroka te, bibînî

Mîna ko - pişti derbasbûna salan- tu yê destikê

dergehê xaniyê bapîran bibînî.

7

Xanî, rê, hirmiya bejî,
mirîşkên ko li hewşê qalikê rokê dinikulînin.
Tu wan nas dikî, ew jî te nas dîkin.
li vir li jêr di nav çiqulan de marê darê
çermê xwe yî zer guherand
li vir li jêr mûristanê
û keleha mêşa hingiv digel pevçûnên xwe
Û di eynî dara zeytûnê de qalikê sisirkê sala çûnyî
Û dengê sisirkê vê salê
Û li bexçeyên nîskan sîbera te, ya wek segekî bêdeng bi pey te dikeve,
pir diêşe.
Segekî dilsoj - di nîverojê de li tenişt xewa te ya zemînî rûdinê û dara
rûlê bîn dike.
Û danê êvarê xwe li lingên te dialîne û çavdêriya stêrkekê dike
Bêdengiya hirmiyê ya ko li ser rehnên havînê geş dibe, li wir e.
Xelmaşbûna avê ko li hawirdora rehêna dara xernûbê digere- li wir e.
Sê sêwî li ser kirasê çavkaniyê ne.
Û bazek di çavên wî de dimire
li wir li bilindahiyê, li paş daristana merxê,
Tu mîna kiliseya San Jonî ya li gund, melûl dibî,
Mîna dilopên çûkê spî yê ko hetav wan li ser
pelekî pan yê tûyê zuha dike.
Û ev şivanê ko xwe bi eyarê mîhê rapêçandiye.
Di her mûyekî ji mûyên laşê wî de çemekî wî yê zuha heye
Di her kunekî ji kunên bilûra wî de daristaneke biyê heye
Û girêkên darê wî eynî wek girêkên
wan depên kelekê ne;
depên ko cara pêşîn li şînbûna Hîlîzbontê xistibûn.
Pêwist nake tu bînî bîra xwe çûnkî
rehêna dara pelkê ji xwîna te ne.
Û dorav jî sosin û gula qedîfe ye.
Di qiçîna nîverojê de, bîra bêdeng
bi dengekî gurover, cameke reş û bayekî spî, ronî dike.
Dengvedanek di çesnê denêni ji heriya kevnare de,
heman dengê kevnare ye.
Û her şev, hevv, termê miriyan dizîvirîne ser pişta wan,
Bi tiliyên xwe yê berfînî, di rûyên wan de, li kurê xwe digere,

Li kurê xwe yî çen birîndar û mijank kevirînî, digere
Li bêrîkên wan digere, hergav dê tiştekî bibîne,
Hergav em tiştekî dibînin.
Kilîtek, nameyek,
an jî demjimêreke ko li ser demik heftan rawestiya be, em ji nû ve wê
dadigirin,
Û demjimêr dest bi bizavê dikin.
Sipêdê, dema tu cilên wan şil bikî,
û di nav pişkokên xwe yên leşkerî de rût bimînin
Wek perçeyên ezmên di nav stêrkên havînê de,
Wek çemê di nav darêن kindirê de,
Wek tengerêya li hev pêçayî, ya serê biharê, di nav darêن leymûnan de,
Wê çaxê renge em pêrgî navêن wan bibin û em biqîrin:
Em hez dikin.
Wê çaxê, lêbelê ji nû ve,
renge ev tişt dûr bixuyin,
Lê pir nêzik in, mîna tu di taristanê de destekî biguvêşî û jê re bibêje:
Şev baş
Bi dilsojiya qiriktalane ya mirovê sergombûyî wexta ko li welatê xwe
vedigere
Û tikes nema wî nas dike, ne jî mirovên wî çûnkî mirin naskiriye,
Û jiyan, berî jiyanê û piştî mirinê jî naskiriye
yeko yeko mirovên xwe nas dike, ne tal e, sipêdê, dibêje.
Û xweş bawer e ko dirêjtirîn rê
berbi dilê xwedê de kintirîn rê ye.
Û kêlîka ko heyv, bi hesret, maç gerdena wî bike
Kêlîka ko ji ser keviya pencerê xweliya
cigareya xwe daweşîne
renge ji bo wê baweriya xwe bigirî;
baweriya wî ya bi daran û stêrkan û hevalan.



Çîrokêñ ji berîka pêşî:

Teraziya Xêr û Gunehan

Karel Čapek

Wergerandina: Zagrosê Hajo

Mîrkujê gelek caran, yê bi nav û deng, yê gelek fermanêñ girtinê di derbare wî de hatine der û yê ko leşkerek ji polisan û detektîvan li pey, tawanbar Kugler daxwiyanîyek da û got, ko ew hemû jî ti caran nikarin wî bigirin û bi rastî negirtin jî, bi kêmayî bi saxî ew negirtin. Polisê dawî, di zik hev de kuştiyê wî yê jimara nihan, dixwest wî bigire, çend gule jê xwaribûn. Rast e, wî yê polis kuşt, lê wî bi xwe jî heft gule xwarin, ji wan sisê bi timamî kujdar bûn. Bi vê darfîav ew ji dada zemînî rizgar bûbû.

Mirina wî wilo zû hat, ko êdî wext pêre nebû, da bi êşeke taybetî

biheste. Dema canê wî dev ji laş berda, wî karîbû têr ji xwe re li ser ecêbên wê dinyayê matmayî bimîne, ew dinyaya bê dîmen, sipîçolkî û ta nemayê vala, lê canê wî matmayî nema. Mirovê ko li Amerîkayê di zînadanan de mayî, ji xwe re wê dinyayê jî hema weke hawîrdoreke nû dibîne, ko tê de jî bi hinek mîranî mirov dikare cihekî xwe li pêş, weke li her derî, bibîne.

Dawî bêçare roja Kugler jî ya Xêr û Gunehan hat. Ji ber ko li ezmanan her û her rewşike sermedî, ya awarte heye, ew li şûna ko were ber sûndxwariyan, weke ko li gor tawanêñ xwe divabû hatibana, ew hate ber encûmenekê. Eywana dadegehê bi şêweyekî hesan racistî bû, weke dadegehêñ zemînê bû; ji ber sedemên, ko winê nêzîk nas bikin, xaça, ko dîdevan pê sûnd dixun li wir nebû. Dadvan sisê bûn, bi tevayî sere bûn, rihsîpiyêñ giran xwediyêñ rûyêñ hişk û ziwa bûn. Formalîte hinekî kelê bûn: Kugler Ferdinand, bêkar, di filan rojê de bûye, di bêhvan rojê de miriye... Li vir hate xwiya kirin,

ko Kugler nizane kîjan rojê miriye; wî di cih de dît, ko ev nezanî wê ziyanê di çavê dadegehê bigehêniyê, ew di cihê xwe de hişk ma.

"Tu xwe bi ci gunehkar dibînî," serdadvan pirsî.

"Ne bi ti tiştî," Kugler bi serhişkî got.

"Dîdevan bênin," serdadvan keserek kişand.

Li hemberî Kugler kalekî mezinî weke bertelaşkî, hema bêpîvan mezin, rûnişt, xeftanekî şînî bi stêrikên zêrîn neqîsandî, lê bû; bi hatina wî re dadvan rabûne serxwe, û Kugler jî rabû ser piyan, bê viyana xwe matmayî mabû. Piştî ko yê kal rûnişt, ji nû dadegeh jî rûnişt.

"Dîdevan," serdadvan dest pê kir, "Xwedayê Mezin, vê Encûmena Dawî, win xwestine, da di babetê Kugler Ferdînand de win şehdebûnê bidin. Tu Rastaxêvê herî Mezin, pêwist nake ko tu sûndê bixwî. Ez ji we dixwazim, ji bona giriftarê, ko win ji mijarê dûr nekevin û nedine pey hûrekên, ko girêdana wan bi pêlkirina qanûnê re nîne. Û win, Kuglero, axaftina dîdevan nebire. Her tişt xwiya ye, tu bidî mandelayê jî, pûç e. Fermo bere birêz dîdevan, bibêje."

Serdadvan wilo got, bi rehetî herdû anîskênen xwe danîne ser masê û berçavkên zêrîn jêkirin, xwiya bû ko ew xwe ji axaftina dîdevanî dirêj re amade dike. Kaltrîn endamê dadvaniyê keysa xwe li xewê xwes kir. Ferişt, nivîskarê dadegehê, pirtûka jiyanê vekir.



Dîdevan Xwedê hinekî kuxî û dest pê kir:

"Erê, Kugler Ferdînand. Ferdînand Kugler, kurê karmendê fabrîkeyê, hê ji piçûkayî de zarokekî nehs bû; lo lawo, tu ci xirab bûyî! Pir hez ji dayika xwe dikir, lê fehêt dikir wê bide der; ji vê ew zirz bû û bi ya ti kesî nedikir. Tê bîra te, çaxê ko te tilîha bavê xwe gez kir, dema xwest li te bide, ji ber ko te kulfîk ji bexçê nivîskarê dadperweriyê dizibû?"

"Ew kulfîk ji Îrma keça tehsîldar re bûn," hate bîra Kugler.

"Ez dizanim," Xwedê got. "Hingî ew heft salî bû. Û tu nizanî piştre ci pê hat?"

"Nizanim."

"Mêr kir, Oskar kir, kurê xwediyê fabrîkê; wî ew necisand û dema beravêt mir. Ma Ruda Zaruba tê bîra te?"

"Ma çi bi wî hat?"

"Kuro, ew bû keştîvan û li Bombayê hate kuştin. Win herdû ji hemû zarokên bajêr xirabtir bûn. Kugler Ferdinand hê deh salî bû dest bi diziyyê kir û her û her derew dikirin; diçû nav civatêن pîs, weke ya serxwêş û parsek Dlabola, yê ko pêre xwarina xwe leva dikir."

Dadvan destê xwe hejand, weke ko bibêje ev der ne cihê van gotinan e; lê Kugler bi xwe pirsî:" Ü... çi bi keça wî hat?"

"Bi Marika?" Xwedê got. Ew bi yekcarê filîti. Çardeh salî mîr kir, bîst salî mir û diber zikratan de tu hatî bîra wê. Tu çardeh salî bûyî, tu serxwêş këfî û te ji malê bazda. Bavê te gelek kul û derd xwarin û dayika te weke baranê hêstir barandin; te mala xwe bêrûmet kir, û xwîşka te, xwîşka teyî spehî Martîçka, zava nedît, zavayê ko were mala dizan. Hêjî bi tenê, li ser xêr û qencyîn bi ingûşk, yên ko xelkên dilovan wê pê birîndar dikan, di xizaniyê de dijî."

"Niha di vê kîliyê çi dike?"

"Di vê kîliyê de ew li dikana Vlk e û tê dikire, da berî tarî bikeve, karibe bidirû. Ew dikana tê bîra te? Te carekê li wir xareke camî kirî, tu hingî şes salî bûyî; û hê roja pêşî te xar winda kir û te êdî ew nema dît. Tê bîra te, tu çawa hingî ji kerb û xeman girî?"

"Ew higî gindirî kû?" Kugler bi dilbijî pirsî.

"De ew gindirî şirikê. Ma ne, kuro, ew hêjî li wir e, ev sih sal di ser e derbas bûne. Ha di vê kîlikê de li ser

erdê baran dibare û xara camî di nav ava sarî bi xuşîn de dilerize."

Kugler dilşekstî serê xwe tewand. Lê serdadvan berçavka xwe danî ber çavên xwe û bi nermayı got: "Dîdevano, dive em werine ser mijara xwe. Yê súcdar kes kuştîye yan na?"

Xwedayê dîdevan serê xwe hejand. "Nih kes kuştine. Yê pêşî di pevçûnekê de bû. Ew kete zîndanê û ew li wir xeyisî. Ya din yareke bi paşmîr bû. Ji ber wê cezayê mirinê danê, lê wî bazda. Yê sisiyan kalek bû, ko Kugler hat ew dizî. Yê çaran nobedarekî şevê bû."

"Ma ew mir?" Kugler kire qêrîn.

"Ew piştî sê rojan mir," Xwedê got, "bi êşike dijwar û şes zarok li pey xwe hiştin. Yê pênc û şesan du jinûmîrên pîr bûn; ew bi balte kuştin û bi tenê şazdeh kron bi wan re dîtin, di wextê, ko wan bêhtirî bîst hezar kronî veşartibûn."

Kugler xwe çend kir: "Li kû, ezebenî!"

"Di nav doşekê de," Xwedê got. "Di kîsikekî hîzar de, li nav doşekê ew pereyên ko bi ribayê û bi kurbûnê maliştibûn, veşartibûn. Yê heftan li Amerîkayê kuşt; ew penaber bû, hevwelatiyê Kugler bû, weke zarokekê bêçare bû."

"De naxwe ew di nav doşekê de veşribûn," Kugler matmayî kire pistepist.

"Erê", dîdevan berdewam kir. "Mirovê heştan, yekî peyade bû, ew kete devê riya wî de, çaxê ko bi pey diketin. Hingî periwêñ dinanê wî kul bûbûn ji êşan sewdan di serî de nemabû. Kuro, te jî gelek êş û derd xwarin. Yê dawî polisek bû, ko hema berî bimire, geha wî bikuje."

"Wî çima kuştin dikir?" serdadvan pirsî.

"Ew jî weke her kesî," Xwedê bersiv da; "ji torebûnê, ji bona bideşxistina peran, carnan bi plan û carnan ji korfelaqî ve, carnan ji kêfa dilê xwe re û carnan jî ji mecbûrî bû. Ew destvekirî bû û carnan ałıkariya xelkê jî dikir. Bi jinan re qenc bû, hez ji lawiran dikir û xwediyê soza xwe bû. Ma ez qencyîn wî bibêjim?"

"Spas," serdadvan got, "ne gerek e. Sûedar, tiştek heye ko tu ji bona parastina xwe bibêjî?"

"Na," Kugler bêpêçdan got; ji ber ko êdî jê re her tişt weke hev bû.

"Dadegeh wê xwe bikişêne ji bona şêwerdariyê," serdadvan ragehand, û hersê dadvanan xwe dûr kirin. Xweda û Kugler mane di eywana dadegehê de.

"Ev kî ne?" Kugler pirsî û serê xwe bi hersêkên dûrdiktin ve kir.

"Mirovên weke te ne," Xwedê got. "Li dinyayê dadvan bûn, û li vir jî dadvaniyê dikan."

Kugler tilihêن xwe gez kirin. "Min hizir dikir... ma ne, min guh nedida meselê, lê min goman dikir, ko gerek e te dadvanî kiribana, ji ber ko tu... ji ber ko tu..."

"Ji ber ko ez Xweda me," kalê mezin gotina wî tewa kir. "Lê ji xwe ev e mesele, tu dizanî? Ji ber ko ez bi her tiştî dizanim, ez ji binî nikarim dadvaniyê bikim. Jixwe ev yek nabe. Ne tu nizanî Kuglero, bê kê hingî gilehê te kir?"

"Ez nizanim," Kugler matmayî got.

"Lucka, ya berdestîka meyxanê, ji zikreşî gilehê te kir."

"Li min negirin," Kugler zirav da xwe û got, "lê we jîbîr kir bibêjin, ko min li Chicago ew Teddyê pîs kuşt."

"Na bavo," Xwedê bi rikberî got, "ew jê fistiqî û hêjî sip û sax dijî. Ez dizanim, ew gelac e; lê wekî din, kuro, ew mirovekî pir baş e û zaf hez ji zarokan dike. Hema wilo behwer neke, ko kesek hebe bi yek carê pîs be."


"Çima jixwe win... çima tu, Xwedayo, bixwe dadvaniyê nakî?" bi ramanî Kugler pirsî.

"Ji ber ko ez bi her tiştî dizanim. Heke ko dadvanan bi her tiştî, bê kim û kurî bi her tiştî, zanibe, dê ew jî nikaribin dadvaniyê bikin; bi tenê wê di her tiştî bigehin, ta ko dilê wan ji ber biêşe. Ma ezê çilo te tawankar bikim? Dadvan bi tenê bi ziyan û gunehêن te dizane; lê ez her tiştî li ser te dizanim. Her tiştî Kuglero. Ji ber wê ez nikarim te tawankar bikim."

"Nawxe vêca çima... ev xelk... li ezmanan... dadvaniyê dikan?"

"Ji ber ko mirov yên hev in. Ez, weke ko tu dibînî, bi tenê dîdevan im; lê ceza, tu dizanî, li ser cezê mirov biryarê didin- li ezmanan jî. Ji min behwer bike Kuglero, ev di cihê xwe de ye; ti dad ji ya mirovanî pê ve bikêrî miorvan nayê."

Di wê kêlikê de dadegeh ji şêwermendiyê vegera û serekê Encûmena Dawî bi dengekî bilind biryar got: "Kugler Ferdinand ji ber neh caran li pey hev tawan û mîrkujiyê plankirî kirine, ji ber kuştin û diziyyê, ji ber dubarekirina tawanan, ji ber hilgirtina çekan, ya bêdestûr û ji ber diciya kulîkkan tu hatî cezakirin, cezayê te dojeh e, tê ta nemayê di dojehê de bimênî. Pêkanîna cezê yekser cih digire. Fermo, doza peyre bênin. Ka sûedar Machat František li vir e?"



Pirtûka ji-kevilê-xwe-der

Her çi kesê xwe ber bi karûbarê nivîsandinê ve bike, berî ko tiştînan binivîse divêt hînî rastnivîsandinê bibe. Rastnivîsandin zelal-kirin û delalkirina zimanî ye. Divêt hertim di bîra mirovî de be ko fîkir û ziman li ser hev rolekê enteraktîf dilehîzîn: fikir çîqas zelal be dê ziman jî wesa zelal be, ziman çîqas zelal be dê fikir jî wesa zelal be. Nemaze zimanê nivîsandinê divêt ji tevliheviya devokan û bêformîtiya zimanê axaftinê xilas bibe.

Di warê rastnivîsandin û zelalkirina kurdiyê (kirmancî) de, hêja ye ko her kurdekê/a xwedîpêñûs pirtûka Arif Zêrevanî ya bi navê *Binge-hêr rastnivîsandina kurdiyê (kirmancî)* bi dest bêxe û wekî formateka rastnivîsandinê hertim berdest bigre.

Pirtûk ji çar beşan pêk têt: 1) raçandina tekstê, 2) nivîsandina navên kesan, girdek, hûrek, hejmar, tewang, vegetandek û kurtekan, 3) niq-teşanî û 4) servehî

Bi rastî jî gava ev pirtûk ligel afişa danasîna wê ket destê min de û di serê afişê de sernivîsa »pirtûka paşerojê« li ber çavên min ket, ew ser-nivîs bi min wekî idiyeka felsefi û pir-ji-hedê-xwe-der hat. Dr. Michael L. Chyetî (sernivîskarê beşa kurdî ya Dengê Emerîkayê) jî ev gotina »pirtûka paşerojê« di pêşgotina xwe de bi kar anîbû.

Wextê min pêşgotina Michael L. Chyetî xwend û pirtûk jî bi hûrâyî li ber çavên xwe gerand, min êdî fêm kir ko ji bo ci ev pirtûk »pirtûka paşerojê« ye. Kurd bi tevayî ti ehemiyetê nadîn zimanê xwe yê zîkmakî. Hegî roj hat û nîşen bi dûv me re problema zimanê xwe yê zîkmakî wekî problemeka hebûn û tinebûna nasnameya xwe ya nete-weyî dîtin, hingê dê qîmetê berhemên wiha hîn baştir bête fêm kirin.

Arif Zêrevan, bi metodeka zanistî xwe dispêre normên gramerê û di wê rêça ko Celadet Alî Bedir-Xanî ji bingehêن kirmanciyê re vekiriye

de, mijara rastnivîsandina kirmanciyê hûr û kûr dikêle. Arif di hinek cihan de ji Celadetî vediqete û pişa xwe dide Ehmedê Xanî, klasîkên kirmancî û hinek herêmên Kurdistanê. Cihê ko ew ji Celadetî diqete, bi ya min, ti qelsîtiyê ji wî re û ti kêmasiyê ji Celadetî re jî naîne. Bi-leks, Arif kevirekê xurt dadine ser wî dîwarê ko Celadetî ava kiriye.

Arif bi awayekê zelal û bi uslûbekê aktif mijara rastnivîsandinê rave dike û ji raçandina tekstê dest pê dike. Ew, raçandin û rastnivîsandina hemî babetên tekstan bi nimûneyan li ber çavêñ xwendevanan radixe. Arifi sernivîs, nêvbersernivîs, hemî babetên veguhostinan, kurtek, hû-rek û heta bigihî nîşandekên vavêrkirinê, bingehêñ rastnivîsandina kurdîyê bi kêlm û bi teknîkeka pisporî raçandiye.

Lê esil, karê nû yê ko Arifi kiriye, di warê jimarnav, tewang û veqetandekêñ navdêrêñ nebinavkirî de ye:

»Tewang di kurdîyê de hêmanekê bingehî ye. Terikandina tewangê sıqetiyekê diexe gramera zimanê me. Gava navdêr neyêñ tewandin mirov nikare bizane ka kirarê lêkerekê û bireserê lêkerekê ci ye û kî ye. Heger em bibêjin 'Hesen ker kuş' ne diyar e ka Hesenî ker kuştiye an kerî Hesen kuştiye. Ji bo em bizanin yê ko ker kuşti Hesen e divêt em 'Hesenî ker kuş' binivîsinin« (Zêrevan, Arif (1997), *Bingehêñ rastnivîsandina kurdîyê*, rûp. 83).

Bi taybetî di mijara tewangê de – tewanga pronavan, tewanga navdêrêñ nebinavkirî û ya navdêrêñ nebinavkirî de – divêt hemî kesen ko bi zimanê kurdî dinivîsin, carekê şewqeya xwe danin ber xwe û bibêjin ka me şaşîti li kû derê kiriye, ka ji tiştên me heta niho nivîsandî ci xelet in û ci rast in. Hinek dikarin bibêjin »ma çol el! Arif Zêrevanî kitêbek nivîsiye, îca em rabin bibêjin tiştên me heta niho nivîsine xelet in«. No, ez nabêjim tiştên hatûn nivîsandin çewt in an jî rast in! Lê hegî em xwe bispêrin metodêñ gramerê û lêkolînan li ser bingehêñ rastnivîsandinê, tewang û tewangên veqetandekan bikin, hingê dê rastî an jî çewtî derbikeve ser kefê, û hingê em dê baş bizanin ka kerî Hesen kuştiye an jî Hesenî ker kuştiye! Emê bizanin ka nivîsandina »xebatek(a) akademîk« rastir e an jî »xebatek(e) akademîk«; »hevalek(ê) baş« rastir e an jî »hevalek(î) baş«.

Di heqê jimarnavan de jî Arif xwe dispêre klasîkan û ji wê nêrîna ko îro raser e bi dûr dikeve. Ew dibêje ko zayenda hemî jimarnavan mî ye û divêt jimarnav bi »ê-yê« bêne tewandin. Li gor wî jimarnavêñ rêzê jî bi arîkariya pronavêñ işarkî »yê«, »ya« û »yên-ê« tên çêkirin.

Yanî: »Ez 7-ê dibînim«, »mehîna 40-ê«, »zelamê 6-ê«, û h.d.

Bi ya min – ji ber tevlihevî û xeletiyên ko di warê tewangê de tên kirin – heger nivîskar û xwedîpênûsên kurd di heqê vê pirtûkê de bê-deng û bêreaksyon bimînin, ev dê ji bo zimanê kurdî xemgîniyek be lê belê berî hemî kesê kêmasiyeka mezin be ji bo nivîskarê/a kurd.

Hinek dikarin bibêjin Arif devoka herêmekê dixebeitîne. Hegî devoka ko Arif dixebeitîne li gor fonetîka zimanî û normên gramerê ti siqe-tî tê de nebe û ew xwe bispêre pirensîbên zimanî yên zanistû, wê çaxê tê wê manê ko Arif li dûv zelalkirin û delalkirina zimanî ye. Nimûneyeka biçûk, Arif di şûna bêjeya »cuda« de »cida« dixebeitîne. Îca hegî rayê bêjeya cida ji bêjeya »cih« û ji-cih-der-bûnê be, wê çaxê bêjeya »cuda« dengekê xirabûyî ye, ne rast e, ya rast bêjeya »cida« ye. Mirov dikare gellek nimûneyên wiha rêz bike.

Arif di heqê gihaneka »ko-yê« de jî dibêje ew nizane piştî mirina Celadetî û Kamiranî di nêv kurdan de çawa »ko« winda bû û »ku« di şûna wê de belav bû. Bi rastî ez jî nizanim, yên dizanin bila bibêjin.

Mebest ne ew e ko ez vê xebata Arifi bifîrînim ber perê asmanan. No, wekî min li jorê jî got, di warê rastnivîsandinê de hinek idiyânen vî camêrî yên »nû« hene. Piştî van idiyân, bi ya min, divêt kesên ko xwe pisporêن vî karî dibînin careka dî mijara rastnivîsandinê bêxin binê mercekê, da diyar bibe ka idayêñ Arifi rast in an ew ji xwe re li gorî devoka xwe hinek tiştan dibêje.

Dilxwazî ew e ko ne tenê di warê rastnivîsandinê de, di hemî babetên lîteratûra kurdiyê de berhemên hîn hêjatir û hîn rastir bêne afirandin.

Ez wê yekê jî ji bîr nekim ko ji aliyê xwe yê dîdarî ve jî pirtûka Arif Zêrevanî nimûneyeka yêkane ye û rûfiroş e. Di vê pirtûkê de Arifi hinerê rastnivîsandin, zelalnivîsandin, spehînivîsandin û xweşnivîsandinê di nêv êk de stirhaye û xwendina kitêbaka li ser zimanî himbe ya romanekê hêsanî û tamxwes kiriye.

Welhasil bi zêdeyî, rastî û delaliya xwe ve, ev pirtûk, rûspîtiya her kur-dekê/a xwenas e; hegî hebin, xeletî û kêmasiyên wê jî »rûreşıya« Arifi ye!



ARIF ZÊREVAN
Bingehêñ rastnivîsandina kurdiyê

NEFEL

Tenstavägen 102, 1 tr
163 65 SPÅNGA – SWEDEN
tfn +46-(0)8-621 11 78

Payîza bextê min

R ê dijwar e,
xil û xar e
Roj e kin e,
Hewas qar e,
hesîn jar e
Sebir tune,

Jiyan serê riya
maşyayî

Derd bê bin e,

Ez dareke
pelweşyayî,

Ev payîza bextê
min e!
1997



Wê gundê me xerab bibe

SULÊMAN ALÎ



Şemsê têra xwe tolik da hev,
pêşmalka xwe tije kir, bi buxçikî
girêda û di ser milê xwe re avêt ser
pişta xwe, û destekî ji pêşî de , di
ser sîngê re, girêka pêşmalkê girt û
xwest êdî bi rê keve. Çavên bi aliye
rêka ko dê ew bide ser, çûn mîna
ko ew çav bixwazin bizanibin bê
hîna ew rê li ciyê xwe ye yan na. Rê
li cî bû û reşê mirovekî ji tê de
xuyanî dikir. Şemsê ew mirov nas
kir, di ber xwe de tif kir û di dilê xwe
de got: "Ne bi xêr".

Tolikvanê ne neheq bû. Bi rastî ji
peydabûna wî reşî, wê sibehê, li ser
wê rîyê û hatina wî ya bi aliye jînikê

ve, ne ji xêrê re bû. Şemsê gav bi
aliye gund de avêtin.
Helbet her ko diçû nêzîkî wî reşî
dibû. Reş, reşê gundiye kî bû, navê
wî Salih bû. Ji mêj ve Şemsê fêm
kiribû ko awirêne wî ne paqîj in, lê rû
nedida wî. Berî ko herdû gundî bi
heft-heyst gavan bigihêne tara hev,
Saliho bang kir:

- Şemsê! Tu ji ku tê vê sibê? -Heya
ko Saliho pirsa xwe kir, gavê di
navbera wan de kêmtir bûn- Siba te
bi xêr!.

-Xêr silamet. -Şemsê silav
vegerand- Min got berî dunya germ
bibe ez herim ji zaryan re şîvek tolik
bînim.- Ü destê xwe yê di girêka
buxçikê de wa livand mîna ko
tolika xwe ray wî bide, lê hişê Saliho
li dereke dî bû, wî li Şemsê guhdarî
nedikir:

- He tolik?.. E..Tolik baş e.
Saliho devê xwe dibir-dianî,
nizanîbû çawa xebera xwe bibêje.
Şemsê fêm kir ko xeberin bi cîranê
wê re hene, rabû pirs kir:

- Xêr e cîran, ci heye?
- Ma ci xêr ci hal? Wê iro gundê
me xira bibe.

Şemsê di ciyê xwe de sar bû,
kabokên wê sist bûn û bîstikekê
deng jê hat birîn. Tenê wê li çavên
Saliho dinerî da fêm bike bê gelo
ew henekan dike yan rastiyê dibêje.
Saliho pirs di çavên wê de xwend û
peyva xwe zelal kir:

- Erê bi xwedê. Bi kêmanî dê îro çar-pênc zilam ji gundê me bêñ kuştin, heya tu bibêjî bes dê xwîn birije.
- Xwedêyo sitar,- Zimanê Şemsê geriya, lê kabokên wê ji tırsa dirikrikîn.- Kê ji te re got Saliho?
- Kesî ji min re negotiye, ez dizanim.-û ji bo ko tırsa şemsê zêdetir bike, peyva xwe ducar kir. Wê îro li gundê me xwîn were kabokan.
- Xwîna kê? Xwedêyo tu bisitirînî.. Wê kî kê bikuje?
- Gundî, gundî xwe bi xwe, dê hevûdû bikujin, belkî ez ji bêñ kuştin, mîrê te ji bê kuştin..
- Ehmo?- Tırsê bi carekê pîreka reben girt, destêñ wê sist bûn, buxçık filîtî, li erdê ket, qidûmêñ wê şkestin û wê ji li pey buxçika xwe, xwe berda xwarê. Ya sitar.. Ya sitar.
- Kî zane? Belkî guleyek li birayê te ji keve, di şer de pîvana derbê nîne Şemsê!
- Şemsê nema bersiva Saliho dida, tenê polepolâ wê bû û destê xwe li serê xwe dixist, dikir hawar û digiriya:
- Birayê min i reben, çima ji bo xwedê, gunehê wî ci ye, çima, hewar, çima..?
- Hewşakî baş giriya, kir polepol û piştre serê xwe bi aliyê gundê sibehê ve hilda û pirsî:
- Ê ka çima dê şer çêbibe, ji ber ci?
- Ji ber te, ji ber te dê şer çêbibe- Saliho bersiva wê da.
- Tolikvaniyê xweziya xwe daqurtand, ji tırsa û ji ber zuhabûna qırıkê qêrîna wê nizim derket:

- Ez? Ji ber min?
- Erê ji ber te, tu yê bibî sebeba kuştina ewqas zilaman!
- Ez?-Tu peyyê dîtir bi Şemsa reben re der nediketin- Çima ez?
- Ma tu nizanî çima? Va niha sibe ye û li vê çola xalî ez û te bi tenê ne û ez ê niha dawa carekê li te bikim. Tu nadî min û tu yê bikî hawar û biçî gund. Zilamê te li tevî bira û pismaman dê bêne pêsiya min, min bikujin.
- Merivêñ min ji dê çekan rakin, herin heyfê, dê mîrê te bikujin û ro naçe ava dê termêñ me li nava gund bêne dirêj kirin.
- Pişî zelalkirina pirsgirêkê, kêlîkekê herdû bêdeng man, hêşirên Şemsê sekinîn, lê hêjî laşê wê dilerize. Saliho ji di ser wê re sekinî bû, lê dinêrî.
- Hilma wê zû diçû û dihat û pê re sînga wê ji bi lez bilind dibû û dadiket. Weşa wê sînga ciwan hestêñ Saliho hîna bêtir tev radikirin û daxwaza wî germtir dikir û wî xwest bersivê bigire:
- Te ci got, ma ne tu yê bibî sebeb? Pişî hinek bêdengî Şemsê bi tırs pırsî:
- Ê.. Eger ez deng nekim dê ci bibe?
- Wê gavê Saliho fêm kir ko ciwanik teslim bû.
- Wî li derdora xwe nerî ka kes heye yan na û rabû bi destekî buxçika wê ji erdê rakir û bi destê din bi destê wê girt, ew li pey xwe kişand, ji rê derxist û got:
- Heger tu deng nekî , tiştek nabe, ne kes tê kuştin û ne gund xerab dibe.

Sema, govend û dîlan

Ayşokê

Zava ye

Beşîr Botanî

Ji destpêka jiyanê ve, anko berî peydabûna mirovî, sema û govend hebûn. Nexusim heger em li dirinde, firinde û masiyan binêrin, yên ko bandora wan li mirovî gelek e û bê ko ew pê hest bike. Lê dîlan pişî peydabûna mirovî peyda bûbû, ji ber ko ew ji helbest, govend û semayê pêk têt. Sema û govend ji çend livînan pêk têñ, zarok bi yariyan xwe fêrî livînan dikin, anko ew xwe fêrî sema û govendê dikin. Wisa piçûkên dirindeyan jî bi vî awayî fêr dîbin. Corêñ sema û govendan mişê ne, sanahî ye ko mirov wan binase û ci ji aliyê livînan ve, yan ji aliyê rîtm û awazan ve ji hev cuda bike; wek sema û govendê folklorî, semayêñ dîskotêkê û balêta klasik... .

Sema, govend û dîlan huner in, li şahî, cejn û perestgehan têne bikaranîn. Wisan nîzîkbûnatolazên 12-15 salî ji hevdû bi xwe bi ûşta wan, yên ko hewesa evînê ji wan re peyda dikin. Hema ji ber hindê melayêñ kurdan sema, govend û dîlanêñ reşbelek (nêr û mê) berbend dikin. Neteweya me bi sema, govend û dîlanan

dewlemend e. Ji ber coşbûn û ciwaniya wan, hemû gel û neteweyên rojhelata navîn pişkek yan bêhtir li şahiyêن xwe bi karanîne, li radyo û telefzyonan jî tomarkirine. Min ev rastî li geşt û geryana xwe li hemû rojhelata navîn dîkiye. Bi kurtî dîmenike ciwan e û karekî hêja ye ko



sema, govend û dîlanêن me ji alîyê kom û orkstrayêن gel û neteweyên din ve têne pêşxistin û pêşkêşkirin. Ev cêj nuho li hemû welatêن Ewropayê jî belav e. Herê, li pişkek ji institût, komele û xwendengehêن hunerî sema, govend û dîlanêن kurdî jî têne xwendin û pêşkêşkirin. Bi kurfi û bi rastî pisporêن, ko bi vî karî dirabin, yekek ji wan ne kurd e. Nimûneya her ya bilind û giranbûha Balêta Gayana ya Aram Xaçatûryan e. Ciwantirîn û coştırin sema û govendêن vê balêtê, semaya Eyşê, govenda lawêن kurdan û semaya şûran in. Ev balêt li Sovyeta kevin ji 1942-1957 mişe caran ya hate pêşkêşkirin. Nuho jî bûye vîdeo, lê kêm belav bûye. Nimûneya duyê koma Turkmenstanê ya folklorî, ya ko sala 1942an hate damezrandin. Ev kom sala 1981 hate Swêdê û pişkek ji berhema wê govenda keçen kurdan bû. Nimûneya siyê koma El-Reşîd ya ji bo hunerên erebî û kurdî li Bexdadê ye, serokê wê ermeniyek bû. Vê komê çend kevalên (tabloyên) ciwan li televizyonêن Bexdadê û Kerkükê pêşkês kirin. Nimûneya çarê koma Davul ya xortêñ tîrk û swêdiyan bû, serokê wê Eyûb Çurha bû, ew niğadsuryanî ye. Sema û govenda bi navê Galoc -Adiyaman ewî bi xwe dirist kir. Ev keval sala 1978 li televizyonêن Swêdî, Almanî û Amêrikayî jî hate pêşkêşkirin...

Babetê sema, govend û dîlanan, bi hemû tayên xwe ve hêja û balkêş e. Lê mixabin e, ko tiştin ji vê hunera berkevtî hatine guhartin, yan livînek, yan bendek û bêhtir jê kêm bûne. Ya rastî, divêt em şahnaziyê bi hemû hunerên xwe bikin, wê kom bikin, vekolin, çap bikin û biparêzin. Ma ne mixabin e ko hîzrên (wek peyv, livîn, rîtm, muzîk... bab û bapîran bi ber avê de biçin?! Èdî karekî pîroz e heger em pişkekê ji hunera devera xwe



kom bikin, ew ji da rojekê bêne pêşxistin... Nimûneyeke piçûk, koma Metîna ya xwendekarêne Kurdan li Bexdayê ye û berpirsiyarekî wê rewşenbîrê nemir Ehmed Salih Silo (1951-1991) ye. Ev kom di navbera salên 1970-1974 mişê caran ji bo vejandina sema û govendan li Bexdayê pişikdar dibû, wê kevalên hêja pêşkêşî televizyonên Bexdayê û Kerkûkê dikirin. Nimûneyeke din, koma Heft xuşk û heft bira ye, li bajarê Kestelê ye, ko li ser çiyayê Sehyonê dikeve, ev bajar tenê yê kurdan e. Ev kom li piraniya aheng û mihrecanên ısrailî pişikdar bûye, ta nuho ji maye û endamên wê ji hemû pîr bûne...

Vêca ez ji di vê vekolînê de berhemeyeke piçûk ji we re kom dikim û pêşkêş dikim. Bêguman bab û bapîren me gencîneyeke fireh ji me re saz kiriye û vehandiye. Ji lew re ez bi şahnaziyê vê gencîneyê vedikim û buhayî didime wê, da komên me yên hunerî ji li gor karîna xwe pûte bi vê hunera berkevtî bidin. Belê, rast e ko peyvên dîlanan sivik û sanahî ne, awazên wan bi sînor in (3-6 deng in), anko têr nakin, belkî bersiva demê ji nadîn. Lê ji hinekan re jiyan e û her tişt e. Girova vê dîtinê dema zimanzanê nemir hêja Sadiq Amedî gotiye, ko 'Bêguman dê

demeke nekêm di şeyhanê, govend û dîlanan de borînin, da xwe ji bîrbiken, dilgeş û bextyar bibin, bêne ser hêj û vejena xwe, ji bili seyran û geşt û geryanên bihar û payîzan... Di ser hindê re, rewşenbîrê cuhû kek Şefîk Selman, yê ko li radyoya Ûrşelîm-Qudsê pişka erebî kar dike, wî li Îsraîlê 1986 gote min ko govenda kurdî xemrevîn e, mirov pê difire cîhaneke din. Kurd bi govendê erdî dihejînin... Carekê min gote wan, ko hişyar bibin, da xanî bi ser me de nekeve.

'Dîlana kurdî ciwan e û li ba min hêjatîrîn babet e'. Wisan hunermendê şehîd Memo Berazî (1967-1986) gotiye...

Çend corêن sema, govend û dîlanan:

- 1- **Yên keç û jinan, Kevokê, Gulşêni, Xemriye, Wesê, Pêşpaş, Gulê, Temzere, Hêdî, Were-were û hd.**
- 2- **Yên zaro û tolazan, Ayşokê, Hûrzê û hd.**
- 3- **Yên kur û mîran, Ceng, Mîro û h.d.**
- 4- **Yên reşbelek (nêr û mê), Şêxtanî, Delîlo, Bablekan, Govend, Şêran, Baso, Hejandin, Sema, Yarê, Keval û hd.**

Ayşokê

Folkor: Botan

Govenda Ayşokê

Ayşokê ha Ayşokê

Ayşoka roman

Ayşokê ha Ayşokê

Destmala xortan î

Şîrînê şenamokê

Ayşoka romanî

Şîrînê şenamokê

Destmala xortan î

Delalê xalhalokê

Ayşoka romanî

Delala xalhalokê

Destmala xortan î

Şâhya me li Zaxokê

Ayşoka romanî

Şâhya me li Zaxokê

Destmala xortan î

Ha Ayşokê, ha Ayşokê, ha Ayşokâ

romanî

Ayşokê ha Ayşokê, Ayşoka romanî

Ayşokê ha Ayşokê, Destmala xortan î

Ayşokê dîsa dîsa

Ayşoka romanî

Ayşokê dîsa

Destmala xortan î

Kulîka nav garisa

Ayşoka romanî

Kulîka nav garisa

Destmala xortanî

Fîncana dest ûrisa

Ayşoka romanî

Fîncana dest ûrisa

Destmala xortan î

Keça sû kir her wisa

Ayşoka romanî

Keça sû kir her wisa

Destmala xortan î

Ha Ayşokê, ha Ayşokê, ha Ayşokê romanî

Ayşokê ha Ayşokê, Ayşoka romanî	Ayşoka romanî
Ayşokê ha Ayşokê, Destmala	Fîncana dest caméra
xortan	Destmala xortan î
Ayşokê çima çima?	Nizanim tu ji kê ra
Ayşoka romanî	Ayşoka romanî
Ayşokê çima?	Nizanim tu ji kê ra
Destmala xortan î	Destmala xortan î
Kulîlka nav genima	Ha Ayşokê, ha Ayşokê, ha Ayşokê romanî
Ayşoka romanî	Ayşokê ha Ayşokê, Ayşoka romanî
Kulîlka nav genima	Ayşokê ha Ayşokê, Destmala xortan î
Destmala xortanî	
Fîncana dest hakima	
Ayşoka romanî	
Fîncana dest hakima	
Destmala xortan î	
Keça şû kir her tu ma	
Ayşoka romanî	
Keça şû kir her tu ma	Zava ye lo, zava ye
Destmala xortan î	Îro kovan zava ye
Ha Ayşokê, ha Ayşokê, ha Ayşoka	Zava ye
romanî	Delal e, malava ye
Ayşokê ha Ayşokê, Ayşoka romanî	
Ayşokê ha Ayşokê, Destmala	Şahî ye lo, şahî ye
xortan	Li mala me şahî ye
Ayşokê hêra hêra	Şahî ye
Ayşoka romanî	Xoşî bê dûmahî ye
Ayşokê hêra	
Destmala xortan î	Seyran e lo, seyran e
Kulîlka nav şkêra	Li nav dara seyran e
Ayşoka romanî	Seyran e
Kulîlka nav şkêra	Mast û pîvaz û nan e
Destmala xortan î	
Fîncana dest caméra	

Zave ye

**folklor: Botan
Govenda Şêxanî**

Zava ye lo, zava ye
Îro kovan zava ye
Zava ye
Delal e, malava ye

Şahî ye lo, şahî ye
Li mala me şahî ye
Şahî ye
Xoşî bê dûmahî ye

Seyran e lo, seyran e
Li nav dara seyran e
Seyran e
Mast û pîvaz û nan e

ŞAREZAYÊN TARISTANÊ



ŞAREZAYÊN
TARISTANÊ
BERCET
SEYİM
MEŞİH
ŞA

ŞAREZAYÊN TARISTANÊ

BEŞÊ YEKEM

Mele Bênav kurê Koçerê hewl da ko wek her gav giran xwiyanî bike. Bişirî lê bêyî ko lêvên wî ji ser hev biçin û diranên wî yên mezin û xurt diyar bibin. Destêx xwe bilind kirin, û bi kurtepistî FATİHE xwend. Çend zîlamên ko li civata wî bûn xwestin xwe bi çend gotinên vezilyayî yên pesindanê pê şelaf bikin, lê guh neda wan. Hêdî hêdî rabû ser xwe. Sicadeya xwe raxist û du riketên dirêj ên nimêjê kirin, di nav re kurtepistên spasiyan û peyvên pesinandinê kêmtür bûbûn. Dema ko nimêja xwe kuta kir; sicadeya xwe pêça. Pêlava xwe ya lastîkî li xwe kir, ji derî derket û berê xwe da meydana percankirî.

Meydan berfireh e. Li başûrî wê ko "Mele Bênav bixwe jî li wir bû odaye mîvanan bi cî dibe, li rojhilatî meydanê çend odayê bi hevûdû ve, bi dergehêñ xweser ko li meydanê dinerin, hatine ava kirin. Li başûrê rojavayê meydanê axûr û li tenîşte pangaveke piçûk ko banê wê bi sajeke pêlpêlî û rût hatiye nixumandin. ji boyî tenûrê cihêkirine.

Mele Bênav berê xwe da odayekê û li pey xwe zencîrek ji şopine zer li ser berfa tenik hiştin. Ji nişkê ve rawestiya û bi qasî du metreyan dûrî deriyê axur berbi milê rastê ve zîvirî. Di xefkekê de terperepa çûkekî bû. Xwe çemand û bi dilovanî rahişte çûk. Kurê wî Zîwan ê ko berbi wî ve baz dida bang kir: "Yabo, iro ev ê didiwan e". Mele Bênav devê xefkê sist kirin û çûk bi xwe li bakirin firiya. Kurê wî bi matmayî devê xwe vekir, bavê wî bi lez pê ve giha: "Belki me qenctir kir kurê min. Ez ê li te vegerînim", û lîreyeke hesinî giran ko di berfê de winda bû jê re avêt, kurik jî bi kêfxweşî ew bi kulma xwe ji bin qata spî derxist, kulma ko bi gîhayê hilkirî yê di bin qata spî de mişt bûbû. Bavê wî riya xwe berdewam kir û derbasî odayekê bû. Derket û kerek dirêj di destê wî de bû û berê xwe da axur. Berxê pêşîn bi bazdan ji axur derket û bi ser berfê de ket. Yê didiwan li pey hat, û yê sisiyan, yê çaran. Hemî bi bazdan derdiketin û bi ser berfê de diketin. Radibûn ser xwe û li dora xwe dizîzikîn, piştre dîsa diketin, diketin û rişêşkeke sor û avgîrine sorî biçûk digel dûkeleke sivik li ser berfê nîgar dikirin. Mele Bênav bi

kêra xwe ya xwînbûyî derket, du zilam ve bezîyan û kér ji dest girtin, berê xwe dan berxan û dest bi gurandinê kirin.

Jinekê ji hêla odayê ko li teniştä hev hatibûn ava kirin lîland, Mele Bênav destê xwe bilind kir wek nîşanekê da ko raweste, jînik rawestiya. "Hemî xelk lawikan tînin, ez ne yê pêşî me", wisa got û berê wî li odaya mîvanan bû. Li ber aşitankê pêlava xwe ji lingê xwe kir, û derbas bû. Zilaman jî li teniştä sopeya dadayî ya mazotê cihek jê re vala kirin. Mele Bênav cihê xwe xweş kir. Bi awireke nerm û bi ser hejandin li milê xwe yê çepê zîvirî û piştre li milê rastê, mîna ko bi spasiyeke nehîn bersiva pîrozbahiyan dide. Destê xwe avêt qutiya zîvinî a neqîsandî ya tûtinê û radestî yê li teniştä xwe kir. Careke din piştî ko qutî lê vegeriya li ser berê bi bizaveke sivik qutî zîzikand û avêntî ji zilamê liemberî xwe re yê li paş sopeyê. Qutiyê tûtinê di odaya mîvanan de dicûn û dihatin. Her kesê ko qutiya xwe bavêta ji yekî re wî yekî jî qutiya xwe jê re davêt. Ji kaxezine tenik û tûtineke hêwî û bi gelek tiliyên ko bi şarezayî û bê şâşîti bi pêçanê mijûl in, cigareyên zirav û cigarene qalind têن pêçan.

"Melê me yî hêja ma tê çi navî lê bike" yekî ji mîvanan jê pirsî. Bêkes mîna ko ev nav ji mîj ve amade kiribe Mele Bênav bersiva wî da. Yê ko jê pirsî xwest piçekî dilê wî xweş bike çunkî navê Bêkes ew tevlîhev kir: "Ma çîma Bêkes seydayê me, hemd ji xwedê re ko malbata we malbateke mezin e?" Mele Bênav lê vegerand: "Ji bilî berxên mirov û mala wî û genimê wî eger carcaran wî nexapîne û wî rût nehîle, kesî kesan nîne". ev bersiv bi ber serê yê ko ji Mele Bênav pirsî bû neçû, lewra bi zimanê xwe xwe bi pêçana cigareyê mijûl kir, keviya kaxezê şîl dikir da ko bi hev ve bizeliqin.

Di odayê li teniştä hev de, li rojhîlatî meydanê, jîn di derîkî re derbas dibûn û ji derîkî din derdiketin. Hemî mijûl in. pêcek û paçen spî, û mersefînanê şîlikî bi kîfxweşîyeke hîlyayî mîna berfa ko li ber şopa lingan dihile bi wan re di nav dergehan de dicîn û têñ. Lîbelê ew pangava di navbera wan odayan û axur de, pangava spî ya ko tukes nehingiviye rûçikê wê, ko zarokan li wir xefkêñ xwe veşartine û ji bilî piçikêñ nan tutış ji wan nexuyaye, di wê pangavê de, çûk dicîn û têñ û piştre berbi beştêñ li dervemayî yêñ banêñ xaniyan ve difirin, di sawa tîrsê de ne, bi taybetî piştî terperepa dû çûkan a li ser piçikêñ nanê şîlbûyî yê de xefkan de. Lî eger piçekî bi hûrbînî li ser çîrokê rawestiyana dê bêyî tîrs êrîşî nan bikiran. Çunkî di berfê de piştî saetekê nan şîl dibe û ji hev dikeve. Û nikul dikarin piço piço bêyî ko xefk biteqe nanî bixwin. Bi giştî rûdan wisa bû, wexta ko zarokan xefkêñ xwe demeke dirêj di bin berfê de dihiştin: çûkan bi hêsanî û bêyî ko devêñ xefkê bêne girtin nanê xwe dixwarin, bi hêrs dev li tiliyên xwe dikirin, û ji paş camêñ pencereyêñ xaniyan ên ko li meydanê dinêrîn diqîriyan: "De stûyê wî bişkîn hey ehmeq", û xefk ji wek ehmeqekî bêdeng dima. Zarokan jî nikarîbûn her kîlîkêñ nanê xefkan biguherînin, çunkî şopa lingêñ wan li ser berfê pirî caran çûkan dûr dixîne, lewra bendemanê dikin da ko şopa lingêñ wan yeckar bê

nixumandin, lê li vir eger berf bi barîna xwe sînorên pêwistiyê derbas bike alozî dest pê dike.

Wext. Ax. bo nan û genimê xefkê wext, û ji bo mele **Bênav** jî wextê têramandinê. Saet neh û nîvê sibê bû. Hêdî hêdî gulîne dawîn ên berfê bi tembelî dibarin, çend çiq xwe ji têla elektirîkê ya ko di ser meydanê re derbas dibe, bermadin, perên xwe nepişandine hetnî ko qirikên wan di reşê damdamî de winda bûne. Li derive; li ber dergehê textinî kûçikek li ser herdû lingên xwe yên dawîn rawestiyaye û di terkên derî re li iyaran û li hûr û roviyên avêtî yên berxan temaşe dike.

Berî her kesî cîranêne mele **Bênav** hatin. Nêzî berbangê jina wî ket ber pîrikan, Pîreka aşûrî ya ko ji êvarê de dizanîbû ko êdî roja wê ye, sibehê zû digel mîrê xwe hatin. Mîrê wê jî di nav zilaman de “Bajari”’ye bi serê xwe bû; ji ber ko li cem wan, her kesê panteron û çakêtan li xwe bikin bajarî ne. Mele **Bênav** li teniştâ sopeyê kursiyek pêşkêşî mîvanê xwe kir, lê yên mayî, li ser bera neqîşandî bi kurkên xwe rapêçayî cihêن xwe xweş kiribûn. Mele **Bênav** bi destê xwe qutya tûtinê ya zîvin dirêjî mîvanê xwe kir, yê aşûrî lêbûrîna xwe xwest, ji ber ko nizane cigareyan bipêce, lê .bi herhal- ew cigareyên pêçayî yên qûnpenbo çêtir dibîne.

Dê yên dûr û yên nêzîk bêñ, mele **Bênav** wisa dirame, ew raman jî piçekî wî bînteng dike. Ew bi xwe ewqasî guh nade mîvanêne ko dê ji vî bajarê biçûk bêñ çunkî barê wan ne giran e, lê ya ko wî ji qidûm dixîne kesen ko dê ji gundan bêñ û dê çend rojekî di vê rewşa aborî ya tenik de mazûbaniya wan bike. Havîna çûyi pişta wî şkenandibû. Bi qasî bihustekê jî simbil ji erdê bilind nebûbûn, nehatin çinîn, ji bo çêrê hatin berdan. Navdariya wî bi şûn de vedikişê, û cih jî teng dibe. Çend berx ser jê kirine û çend berx dê ser jê bibin; dest pê kir û wisa ramîya, dê çend kîsen ard têra mîvanan bikin, û çend nivîn dê bi lingên ko bi lîlavê hatine şûştin û bi heriya ko derbasî pêlavan bûye qirêj bibin. Mele **Bênav** bi bêntengiya xwe ya herdemî serbilind e; bêntengiya ko kêfxweşiyê têkelî xwe nake, piçekî xwe paye dike da tiştê ko maye biparêze.

Berî niha, guh nedida her tiştê ko di hundirê mala wî de çêbûba. Digel ko li wir bû jî lê ne li wir bû. Sê parêñ rojê li “Bazarxaneyên bazirganan” bû- Çend odayêñ li kîleka hev ko bi navê “Bîroyan” dihatin nas kirin. Her odayek bi çend kursiyêñ ji qeselan û bi maseyekê ko çend celebêñ genim li ser wan bûn, raxistî bû, banêñ wan ji çimintoyê bûn û li jora bêñ kulekine biçûk û bi camine qalind hatibûn vekirin- Û para dawîn a roja xwe li malê bû. Parek ji rojeke dirêj ko digihişt êvarê û beşek ji şevê jî, ne ko bi malbatê re û bi kar û barêñ wê re diqetand, lê ew jî bi mîvanêñ xwe re, mîvanêñ ko dihatin da peyvîn rojê yên li ser bazirganiya xwe berdewanm bikin.

Bêguman; havînan kar pirtir dibe, her tiştê ko li “Bazarxaneyên Bazirganan” kuta nebûye li meydana malê bi dawî dibe. Dergeh vekirî dimîne, ajovanêñ kamyonêñ

barkirinê diçin û têñ. Barêñ genim di cî de ji çinînê berbi kamyonan ve diçin. Barkêş diçin û têñ. Hin ji wan bi hinin dîtir re têñ guhertin, û yên mayî jî heq destêñ xwe distînin. Çengên genim wek nimûne di keviyêñ dismalêñ rengînî yên zilaman de têñ, da ko yê çêtirîn hilbijêrin. Zilamine ji Gumrikê jî bi wan kesan re bi dizî derbas dibil da ko pişk û parêñ xwe wergirin û çavêñ xwe li hin tiştan bigirin.

Lê payîzan rewş tê guhertin: Dest bi gera li kirêkirina zeviyêñ berhemdar û traktorêñ cotkiranê û tovêñ navdar, dibe. Û di zivistanê de çavdêriya baranê dikan. Biharê hemî çav dest pê dikan û bi bazarxaneyêñ genim ve têñ girêdan; bi êrîşen seqemê ve û bi xwediyyêñ derasan ve ko ji hilbijartina karkeran û tebax dest pê dike û bi peydakirina ajovanê erbaneyêñ guheztina xwarinê bi dawî dibe.

Berî niha guh nedida rewşa mala xwe, her tişt ji ber xwe bi rêk û pêkî derbas dibe. Her kesê ko xwedî saman be kar û barêñ wî ji ber xwe ve bi rêk û pêkî desrbas dibe. Jinêñ cîranan ji bo malbatê nan li tenûrê dixînin da ko çend çewlîn genim bo qûtê zivistanê qezenc bikin. Goştiroş ji ber xwe ve tezeturîn goşt hildibijêre û bi destê xwe digihîne malê. Zarok delaî ne, merivêñ ko hene di vê delalikirinê de da ko razîbûna jinê bi dest xînin cirîdê dikan, jin jî bêguman dê ji wî re bibêje ka kî pitir hêjayî alîkariyê ye, hetanî dara zeytûnê ya bi tenê ya li hewşa malê ya ko serê heft salan ji metreyekê wê de dirêjtir nebûye dê hinekan bibîne ko axê ji dora wê bimalin. Lîbelê mele **Bênav** vekêşaneke mezin di gorepana mijûliyêñ xwe de dibîne, ko ne li dijberî malê be nema xwe dibîne: Kuro ji bo ci tu bi pêlava xwe ya gemarî pêl keviya sicadê dikî?“, û dema ko zarokê tirsayı bersivê nade wî sîlakê li bin guha dixe. “Ev kê ji we debwa sopê ji bîr kiriye û ji nû ve danegirtiye?“, wexta ko tu kes bersivê nade pehînekê li sopê dixe, sope diheje û dûman ji movikên loleyêñ mezin ên ko berbi bêñ ve diçin dipijiqe. “Hey kero derî li pey xwe bigir. Bayê sar xanî dadigire“. “Qîjeqîja vî lawikê har rawestînin“. “Bîna savara şewitî tê min. Keçê ma tu guh nadî xwarina xwe?“. Ker in. Malbatek e ji keran in“.

Bîntengiya ko heye berê xwe dide bêgunehan, ew bi bixwe jî vê yekê di aramiya xwe de hest dike; aramiya ko di wexta vekirina defterêñ hesêb de hevalbendiya wî dike; defterêñ ko ji ber lêtemaşekirin û girtin û vekirinê ji hevûdû veçriyane. Li dora xwe bi dilovaneyeke ko bi lêbûrîneke bêdeng têkel e li rûyan dinêre; rûyên ko eger ew bîna xwe nekişîne bîna xwe nakişînin û eger ew nebişire nabîşîrin, jîxwe ew tu carî nabîşire, lê bi awrira xwe li defterêñ xwe dizîvire, ko hesabêñ wî bi pêñusa darînî nivîsandîne.

Her tişt hatiye rapêçan, tenê hejmarêñ ji zîvê vekirî mane.“Ev hesab ê kê ye?“ carinan bi kurtepistî ji xwe dipirse, demeke dirêj da ko bersiva xwe bide dirame : “Ax“. Defterêñ wî di mezînbûnêñ xwe de cihê cihê ne: Hin biçük in bi têline zîvirokî ji bo bêrîkan in, hin orte ne bi çarkoşeyêñ şîn in, yên mayî jî mezin in, bergêñ wan qalind in û şûna tiliyan li ser wan hatiye kolan .. Mele **Bênav** li tişteki digere, tişteki ko ji hisê wî filitiye û bûye hejmarek. Kî dizane.

Bisherhal, ev sibeh ne wek hemî sibehê dîtir e, iro hejmara pêncan di zencîra nijad çêkirinê de hatiye, ew jî law bû, bi kêmeñî di serê bavê xwe de bi navê Bêkes hatibû bi nav kirin. Renge mele Bênav bi vê dana teze hinekî kêfxwêş be, lê berf sedîsedkirina vî tiştî aloz dike. Rabûn û rûniştin, pêşwazî û bi oxirkirin, dergeh vekirin û di her vekirinekê de derbasbûna sîreke bayê qerisi tiştine wisan in ko tu carî mirovan kêfxwêş nakin.

Kêlîk bi kêlîk, bi belavbûna rojê re ev erka lihevhatî mezintir dibe, erekâ ko bi kuxikeke sivik tê birîn, ew jî ji ber çûn û hatina wî ya di navbera dergehê sar û sopeya dadayî de ye.

Di Saet deh û heft deqan de, ne kêm û ne zêde, ango di wê kêlîka ko mele Bênav cara pêşîn li saeta ko bi zincîreke zîvînî bi pişkokêkê ji pişkokên yelekê wî ve daliqandî bû de nêrî, "Girzo" lawê wî yê mezin ji ber derî nîşanî wî kir ko êdî nêzîk bibe da ko pê re bipeyive, lê Bênav guh nedayê û qiseyên xwe bi mîvanekî re berdewam kir. Lê wexta ko lawik ew bi nîşanên bêdeng nixumand, bavê wî bi giranî wek adeta xwe dema ko xelk rûniştîbin bang lê kir: "Were, wisa wek cirdî xezalan li ber derî nemîne, te em qwfîlandin".

Kurê mele Bênav nîvê jorîn ê laşê xwe derbasî hundir kiribû û lingên xwe da ko pêl keviya berê neke li derive hiştibûn. Anîha divê ji bêçareyî pêlavân ji xwe bike, lewra piştî ko herdû paniyên xwe baş li asîtankê xistin da ko lingên wî jê derkevin; belkî herdû pêlavên lastîkî teng bûn, û li ser tiliyan derbas bû. Li teniştâ bavê xwe qelevîska rûnişt û di guhêñ wî de li paş dismala spî ya ko bi ser guhêñ wî û qirika wî de berdayî bû bi kurtepistî çend peyv jê re gotin. Mele Bênav bi guman û tirs li lêwik temaşe kir, li mîvanan nêrî û ew guman bi bisirîneke kawikî ji ser rûyê xwe hilanî, lê mîvanen wî bi peyvên xwe mijûl bûn, lewra, ew guhertinên rûyê wî, nedîtin. Nîşanek da lawik ko derkeve, lawik derket. berî ko rabe ser xwe û bi pey şopa lêwik keve, bi qasî du deqîqeyan mit û mat mabû.

Li derive mele Bênav dît ko hemî jin diçin odehyeke dîtir ne ko diçin odehya jina wî ya ko gerek bi kurê xwe yê nûhatî re be. Û xuşka xwe ya ko roja xwe ji bo alkariya wî terxan kiribû, dît ko çawan li ber derî rawestiyaye û bi nermî berê pîrekan dide odehyê dîtir: "Tikaye hûn biçin wê odê, rewşa Brînayê ne gelekî durist e" lêbelê hêrsek di rûyê wê de dixuya hema hema dihat ko bifilite, wexta ko birayê xwe ji dûr ve dît bêyi ko çavêñ wê bikutkutin ziq lê nêrî; bi wêneyekê ko li ser bibikêñ çavêñ wê mîna başokê diçurusî matmayî bû. Mele Bênav jî ziq lê nêrî da ko rastiya peyvên kurê xwe berya ko xuşka wî bipeyive di rûyê wê de bibîne.

Nêzik bû, hetanî hema wextî bêvila wî bihingiviya bêvila xuşka wî. Gulyêñ berfa spî yêñ bêhêz yêñ ko bi çavpanî bi ser ebrûyêñ wan de ketin, çavêñ wan nekutkutandin. Destê xwe avêt destikê derê, wê jî çavêñ xwe bi alî destêñ wî de, berbi wê bizava hêmin a ko piştî kêlîkekê dê wan destan bilerizine, zîvirandin.

Dergeh dehf da lê hêjî ji paş milên xwe li xuşka xwe temaşe dike. Derî li pey xwe girt û awirên xwe li odê gerandin: Jina wî li ser doşeka li ser berê ye, li nêzî wê, di heman doşekê de, kurê wî yê nûhatî hetanî dawiya serê xwe nixumandiye û ji zarokekî mezintir e. Di kêlîka pêşin de wisa bawer kir, lêbelê kêlîka wî ya pêşin nirxandina wî ya mezinbûna laşan şas dernexist. Li ber keviya berê pêlava xwe ji xwe kir û bi pêş de çû. Jina wî bi westaneke diyar lê nêrî, westanek ko bi dudiliyeke seyr têkel e.

Li tenişt doşekê li ser kabokên xwe rûnişt û herdû keviyên kurkê xwe yî qalind bi ser rehnên xwe de kişandin. " Halê te çawa ye? " jê pirsî, wê jî her bi wê westanê ziq lê nêrî, lêbelê lêva wê ya jêrîn du caran lerizî, wî jî awira xwe ji ber wê da alî û bi hûrbînî li lihêfa li tenişt wê temaş kir, hêdî hêdî, destê xwe avêt serê lihêfê û kişand, porekî reş û dirêj xuya bû, piçekî din kişand, eniyeke gulreng û piçekî tirş xuya bû. Bîbikên mele **Bênav** fireh dibin, destên wî dilerizin. Eniya xwe qermiçand û bi kurtepistî çend peyvîn ko nehatinbihîstin gotin, û lihêf bi carekê ji ser rû kişand.

Nûçe ji odeya girtî ya ko xuşka Mele **Bênav** li ber dergehê wê pasvaniyê dike derdiikeve, û madtîşî rêça xwe berbi rûyên hemî mîvanan de dibîne. Pîrozbahî êdî anîha dibe babetek ji babetê çavpaniyê: " Ma rast e seydayê me? ", beriya ko pîrsa xwe kuta bike mele **Bênav** dibêje: " Dana xwedê ye cîran. Dana xwedê ye".

Her nîv saetê mele **Bênav** xwe dibîne ko berê xwe dide odeya girtî û bi rûyekî tirştit derdiikeve. Ji xuşka xwe dixwaze ko piço piço sînorekî ji mîvanan re deyne, û piştre dergehê hewşê asê bike da ko tukes derbas nebe. Û wexta ko xuşka wî wisa bi matmayî lê temaşe dike mîna ko jê dipirse " Em ê çawan sînorekî ji vê xelkê gişî re deynin ? ", li ser piyan bersiva wê dide: " Em nema li vir in, ji wan re bibêje ko nema li vir in "

Berfa bêhêz; ya ko bi hêminî ji ezmanekî şîrînî dibare, kêlîk bi dû kêlîkê de şopa çûn û hatinê dinixumîne. Cîq jî her li ser wan têlan in; têlîn ko di ser xaniyan re digihêjin beştan. Tenê, çûk, piştî wê hêminiyê venegeriyan. Kurê mele **Bênav** ê şes salî nêzîkî wî bû û jê pîrsî ko rê bidê da ji nû ve xefkên xwe vede, bavê wî bi dirêjahî ziq lê nêrî, bêguman di tu bersivê de nediramiya. Careke din lawik jê pîrsî: " Ma bi rastî çûk qeydkirî ne? ", mele **Bênav** lêva xwe ya jêrîn çemand û ebrûyên xwe bilind kirin: " Wisa dibêjin. Qeydine nediyar di lingên wan de ne, lewra xwe çeng dikin ". kurê wî jê pîrsî: " Ma kê ew qeydkirine, yabo? ". " Xwedê kurê min xwedê, hebe tunebe dê gunehekî pir mezin ko hêjayî qeydê be kiribin ".

Nîv rojê ye. Temenê lawikê nûçebûyî di navbera heft û heyşt saetan de ye. Mele **Bênav** derbasî odayê dibe û li wîr dirêj dike, xuşka wî li ber derî diçe û tê, pif destên xwe yê qeşagirtî dike, dibe ko carcaran radiweste da ko guhdariya derî bike, û bizava xwe ya asêkirî bi çûn û hatinê berdewam dike, û guh nade gurmegurmên ko her çend kêlîkan ji dergehê hewşê tê.

Li tenîş tenûrê hêjî agir di bin dista mezin de dadayî ye. Dûkeleke tîr bilind dibe û tevîl dûmana rêxa şîlbûyî dibe, rêxa ko wek sûtemenî bi kar tînin. Pirejinek bi darekî dirêj goştê distê li hev dixîne, û piştre li ber êgir rûdinê da ko xwe germ bike. Ahenga xwarinê ye lê aniha mîvanên ko vê sibehê hatin û li vir amade bûbûn ci heyfe berya ko goştê berxan bikele winda bûne. Û li nêzî vê pêşwaziyê; pêşwaziya mîvanên ko dergeh ji wan re venabe, kurê mele Bênav bi ser berfa spî de kumişî bû û xefkên xwe pê dinixumandin.

“Min ev li kû dîtibû, hawara Xwedê” wexta ko xuşka mele Bênav li ser rewşa hundirê odehye pirsî ji xuşka xwe re wisa got. Û berdewam kir: “ Ma tu bawer dikî, pê dizane ko şeva çûyî ez dereng mame û ez bi derengî ji xew rabûme û nimêja sibê li min çûye?”. Jê pirsî: “ Ma halê diya zarokan ci ye?”. “ Mit û mat e“ bersiva wê da. “Aniha tu yê ci bikî?”. Mele Bênav serê xwe daxist û got: “ Qedera wî ye, ma kes dikare qedera wî vegeŕine: Lê ya ko min ditirsîne ew e: ka dê çîrok li kû raweste”.

Di nav berfa meydanê re mele Bênav berê xwe da pîrejina ko xwarina distê bi darê xwe li hev dixist. Kurê wî ji wê koşeya li tenîş axur a ko ji xwe re kiribû rewangeya çavdêriya xefkan gazî bavê xwe kir: “Ha ji xwe hebe yabo, te pêl xefkekê kir”. Bi rastî ji mele Bênav guh neda teqeteqa sivik a xefkê ya di bin lingên xwe de. Piçekî li jêr nêrî, û meşa xwe domand.. “ Ma halê berxan ci ye?”. Ji pîrejinê pirsî, Pirejin bişirî lê bişirîneke qermîcî û got: “ Aniha baş germ bûne, de ji wan re ji wê seqema axur çêtir e”. Û bi kurtepistî pirsî: “ Û rewşa êgir?”. Ev bixwe ne pirs bû, lê hewldana qewirandina sîbera pirseke dî bû; pirseke bê bersiv. Wê çaxê, ew bixwe jî li ber distê rûnişt, û destêne xwe li ber tîna ko ji guliyêñ zer derdiçû vekirin; guliyêñ ko binikên kevirî dialastin û bi şûn de vedikişîyan.

“Keko”. Dûr çûbû ango li ber wê tîna ko guliyêñ berfê yêñ li ser kirkê wî kiribûn wek tayêñ avê ko hêdî hêdî dadiwerfin tevna reş, ne li ser hişê xwe bû. “ Keko”... Vê cara diwemîn dengê xuşka xwe bihîst, bi alî wê de zîvirî lê hêjî rûniştibû. Xuşka wî lê temâşe nedikir lê li derî dinêrî, di cî de mele Bênav nas kir; kêlîka ko bendemana wê dikir êdî va hat.

Xortekî gulreng bû, porê wî reş û pir bû, riha wî baş hevûdû negirtibû, piço piço li çnd cihan şîn hatibû, ji derî derdikeve û destekî xwe daniye jora çavêñ xwe da ko wan ji ronahiya berfê biparêze û bi destê din çerçefa qalind a ko li laşê xwe pêçaye zeft kiriye. Bejin kin e, lê lihevhatî ye. Renge bîst û heft salî yan jî sih salî be. Bi cangiranî mele Bênav berbi wî ve çû û wexta ko gihişt nik wî jê re got: “Kurê min dê berf ziyanê bigihîne çavêñ te”. Yê xort çavêñ xwe kutkutandin û got “ Gerek ez gelek tiştên ko tenê wan bi hestêne xwe nas dikim bibînim yabo”. Piçekî bêdeng ma, çavêñ xwe li meydanê gerandin û got: “ Kanîn birayêñ min?”. Mele Bênav bi alî xuşka xwe ve zîvirî û serê xwe jê re hejand, xuşka wî berê xwe da odehyeke nêzik, û berî ko vegere, mele Bênav û kurê xwe yê ciwan ji nû ve derbasî odehya dayikê dibûn û li teniştâ wê li ser doşekê rûdiniştin.

Piştî demeke kurt her çar zarokên wî derbas bûn, her çar law in, biçûkê wan çar salî ye û mezinê wan jî deh salî ye. Xuşka mele Bênav şûna ko gerek lê rûnên li dora sopê şanî wan dikir, dest bi xirecireke sivik kirin û rûniştin. Lawikê biçük ji nişkê ve bang kir: ((Ez jî dixwazim wek Bêkes mezin bibim)), yê jê mezintir pê re xeyidî: "Devê xwe bigir". Yê mezin jî bi hestê xwe û di wê matmayîna ko li ser rûyê bavê wî ya ko radestî wê bûye, dizane ko êdî rewş ne rewşa henekan e.

Mele Bênav tu tiştî nabîne ko bibêje da ko hevnaşînê di navbera her çar lawên xwe de ji alîkî ve û di navbera vî kurê nû ji dayik bûyî de yê ko her saetekê salan kurt dike ji alîkî din ve, hêsan bike. Dê bi kîjan serpêhatiyê dest pê bike da ko têgihiştinê hêsan bike, û li beramberî vê bûyera ko tucarî neqewimiye, û tu tişt di çesnê wê de nîne ji bilî pêximberê ko carekê di pêçekê de peyvine mezin gotibûn dê xwe bavêje bextê kîjan diyardey? Awira xwe ya dudil di navbera rûyê jina xwe ya ko pişta xwe daye balgehê û rûyê xuşka xwe de diguhezîne. Û wexta ko bêçare ma, bi kurtepistî got: "Ev birayê we Bêkes e.. Ew jî birayên te Bêkes". Di wexta ko peyvîn mele Bênav mîna tingetinga ko ji tenekê bê tenik dibûn, yê xort li ser kabokan bi alî sopê de berbi birayên xwe ve çû. Bişîrî, bîbikên çavan fireh bûn, destê xwe yê gulreng dirêjî porê birayê xwe yî biçük kir, hem pê şâ dibû û hem jî kêfxweş dibû, kurik jî serê xwe çemand da ko xwe dûrî wî destî bixîne.

Kurê mezin Gerzo wek birayê xwe yê biçük xwe ji Bêkeşê seyr neparast û ne jî madê xwe jê xeland. Xwe li ser berê berbi wî ve kişkişand û ji Bêkes re got: "Ser sera û ser çava birayê min", û destê xwe jî dirêj kir da ko silavê lê bike. Ev helwest; helwesta birayê mezin bû dergehê şkenandina madtîrişiyê; madtîrişya ko li ber tîna sopeyê germ bûbû. Hersê birayên mayî bi kurtepistî gotin: ((Tu bi xêr hatî Bêkes"). Mîna ko dyik û bavê wan matmayîna xwe ji bîr kiribin, wa dixuye ko helwesta zîrek a zarokan ew xapandibûn, lewra bi hêrs dest pê kirin û ji wan xwestin: "De maçı hevûdû bikin, ev birayên te ne, ev jî birayê we ye, şerm e, wek biyaniyan kurtepistê nekin, dengê xwe bilind bikin, erê, ha wisa".

Zarokan fediya xwe hilanîn; fedya ko dê û bavê wan di kûrahiyên xwe de hilnanîne, çinku vî Bêkeşî piştî dusasetan ji ji dayikbûna xwe wêneya bavîtiyê bi ser hundirê xwe ve girtiye, hingê wexta ko nû çebû bavîtiya xwe ji bo zarokekî nûhatî hilanîn, lê ew li derveyî bavîtiyê mezin bû bi awakî ko tenê dudîl û matmayîn serkêşen hestên wan bin.

Dê û bav, tenê, çavdêriyê dikin. Hertişt ji ber xwe ve pêvajoya xwe dibîne. Zîwanê ko xefkan vedide ji birayê xwe Bêkes re dibêje: "Ma tu ji nêçîra çûkan hez dikî?". "Çûk?" bi pirsyarî Bêkes peyivî, "Ax. Berî hatina xwe min geleki nêçîra wan dikir", û bi bişîrî li birayê xwe yê ko bi bersivê mat bûbû temaşe kir, û da ko dudiliya sist ji ser birayê xwe yê biçük biqwirîne berdewam kir û got: "Me ne wekî te bi nêçîra çûkan dikir, lêbelê me xefk dixistin nav pelên daran û me

mêywe dikirin libokên xefkan". Piştî wê bersivê berê xwe da birayê xwe yê mezin Girzo û yê biçûk jî di pirsên wî yên lezokî de hişt: "Ji bo çi tu ji min napırsî cîma ez wisa bi lez mezin dibim?". Girzo mîna yê ko jî xwe re pirsekê bibîne devê xwe vekir lê **Bêkes** nehişt ko bipeyive, di cî de li paş xwe zîvirî, lê dê û bavê ko heman pirs di çavên wan de diçurisi. "Le'net" bi pistepist got û berdewam kir: " Ez dê çawan tiştê ko ne bi şîyan û destê min e ji we re şirove bikim. Ez we di her saetekê de kesine dîtir dibînim ko sal li pey salê bi min re mezin dibin, bi lezekê, ko her tiştê ez berê li ser we dizanim tevlîhev dike". Piçekî bêdeng ma û got: "Dudiliya min du dudîli ne: Dudiliya min bi min û dudiliya min bi we. De ka em herdu vê bareyê bi hev re bipejîrinin, ji ber ko wext pir hindik maye, temaşe bikin, belkî esrê ez bibim sih salî û êvarê ez bibim çel salî û bi şevê?.. Ez nizanim. Yabo, gelek tişt hene dive ez wan bi te re çareser bikim, her gerînek gerînek e, ci di rojekê û ci jî di bîst hezar rojan de be. Bêguman dê ji bo te pir zor be ko tu ji wan kesan re şirove bik; kesen ko li paş dergehê hewşê rawestiyane û bendewariya bersiveke piştjêrast dikan. Pirsgirêk e yabo, lewra tenê xwe ji bo wê amade bike, û dudiliya xwe di min de ji bir bike".

Biçüktirin birayên wî destê xwe li rehnê wî xist da ko berbi wî ve bizîvire, **Bêkes** zîvirî. "Ma deftera te heye? A min heye" yê biçûk got. "Ooox" **Bêkes** got, "Defter!! Hemî defterên ko li cem bavê min defterê min in", Yê biçûk peyva wî birî: "Na defterên bavê min in".


Bêkes hinekî xwe bir û anî, diyar e dê pirsên mafdar ên birayên wî dirêj bibin: "Yabo, ez dixwazim li ser tiştekî ko ji bo min pir giring e bi te re bipeyivim" û bêyi ko gotina xwe rawestîne berbi dayika xwe ve zîvirî: " Ü bi te re jî dayê". "Xanê" bav bang kir, xuşka wî pir bi lez, mîna ko li paş derî li wan guhdarî dikir. derbas bû. "Çi ye birayê min?" Jê pirsî. "Zaroka bibe û xwarinekê bide wan" û berdewam kir: " Bûye dereng û hê jî nexwarine". Xuşka mele **Bênav** hat bi pêş de, bi destê lawikê biçûk girt û yên mayî jî mîna berxine këfxweş li ber xwe dehf dan.

Romana Şarezayê Taristanê ya ko Selim Berekat ew li ser qedera tirajedî ya gelê kurd nivîsandiye, piştî wergerandina wê bo zimanê ibrî, fransî û yewnanî, ji vê hejmarê û pê ve dê bi kurdî di Dugirê de bête weşandin.

DUGIR

DILÊ YAREKE BÊ YAR

Dûmanekê pencereya min
dişkenand, û xwe li bin
guhê min dixist, bi hêz
xwe li serê pênûsa min
digerand, nema dihişt ku bilive,
ez di cihê xwe de dimam çîrisî...!
Û min ji xwe dipirsî: Gelo çîma
nema pênûsa min dinivîse...?
Çav bi hêşir, û bi xweziya hezar
beyaniyêن poşman dengekî bi
min re digot.
Ezmanê Odeyê bi xweziyan û
neçariyê dixemili. .
Em tevde diwestiyan, ez,
dûman, Ode, şev, peyv, û
Niştimanî?
Min nema dizanîbû bi çi awayî
wê haş bikim...!
Ramanê parseka...Çav li qetek
nanê tu bivê yan nevê..
Bazdana Xortekî bi dûv Pûştekê
de..
Xwîn firoşekî keçel.
Dûmanê digot: Gerek tu derdê
min ji nivîskaran re binivísi, ji
serok û rîbazên cihanê re
bibêjî, ji hemû ziman an re
wergerînî, tu daxwaza min bi
yekbûna, roj û hîvê re, bi tenê
bona şiyariya dengê kurd re
binivîse.



MEHMÛD EKO

Ez matmayî dimam ji derd û
kulên wê.

Gelo Niştimanî li bazarên bê
wariyê tê firotan.....!!!!?
Yan ev tiştê ku ez dibhîzim tev
de derewin... Yan tiştine dî hene
tu kes nizane ji bîlî serok û
zanyarêñ cîhanê..?
Bi dilekî şewat û çav bi hêşir
xwe davête dest û lepêñ pêñûsê,
bi fixan û feryad, dilê rîwiyan
dişûtand.

- Ezez dûmana Agirê
Pêşmergeyekî ji Çolemêrgê me..
- Ez dûmana êzingekî ji
Meydana Çar Çira. me
Serê pêñûsê dinav hêşran de
dihiliya, û ew jî her berdewam
bû li ser serpêhatiyêñ xwe,
keserek kur dikşand û bi nazî
diberda û bi ser vedikir.
- Ez dûmana Guleyeke bazdayî
ji birakujiyê. me
- Ez dûmana Çixara girtiyekî di
qurçikêñ hebsa Hisiçayê de.
- Ez dûmana girtiyêñ
nasnameyê me di Çalêñ Tedmur
û Mezê de..dûmana Çil Melyonê
bê semyan im..?
Bi van gotinêñ giran ku çiyan
nikarin hilgirin, diavête bextê
pêñûsa min, pêñûs qolinc
dihatnê, vedirşiya, tîpin ber
avêti, gotinêñ bê mirêş, hevokin
pûç, ez û pêñûsê bi ser hevde
diheliyan û dibûn di gotin
“Kurd û Kurdistan“ lê em li ber
hilma mendalekî difiriyan û
belav dibûn, û li dilê yareke bê
yar peyda dibûn.



1

Birano!
Rast e...
em kurê
Adam
û
Êvayê ne
lê...îro
ji hev
başqe
û
cida ne...
ji beroşekê
naxwin...
weke hev
li xwe
nakin...
çavên me
bi hev
bar
nabin...
êşa me
kêşa me
jan
û
xweşiyên me
silavê li hev
nakin...
zîna me
livîna mesir
ûgermiya
menahingivin hev
û
bi hev şa
nabin...
çima
em
xwe nas
nakin...!

BIRANO BES E!



REZOYÊ OSÊ

2

Birano!
talışka berûyên xwe
bi
mizbûna Manga we
nadim...

Ez

gezwa darêñ xwe
bi
şêraniya xuşava we
nadim
Ez
ava çal
û
kehnîyên xwe
bi ava qotîk
û şûşen we
nadim...

Ez

sîka darêñ Welatê
xwe

bi sîwanêñ ser
"pilajêñ" we
nadim...

Ez

bihna gul
û
geyayêñ xwe
bi
misk
û
emberêñ we
nadim...

çîma

em
xwe nas
nakin...!
Li hev
nakin...!

3

Birano!
Devê şkenikan
ne
girin...



ne
tirsînin...
çima
em
xwe nas
n
akin...!

5 Bese...Birano!

Em
birane
li
hev
nakin
bila
du
camêr,
bê serê\$,

me
ji
hev
cidakin...
me
ji
hev
cidakin...
me
ji
hev
cidakin...

darêñ gezogirtî
ne
birin...
çalêñ min jehir
nekin...
kehnîkêñ min
mismit
nekin...
devî
û
daristanêñ min
bi agir
nekin...
pîkolê li ser gul
û
geyayêñ min
nekin...
çîma
em

xwe nas
nakin...!
4
Birano!
Bilûra min
ne
şkînin...
perda
ezmanê min
bi
dengê top
û
balefiran
ne
çîrînin...
zarokêñ min
razane,
wan

17.12.93

Çîrokêñ "Pîrê"



1

Law!

Me
rextêñ
Carta
ji

fişekêñ berûyî
dagirtin,
lê...

me
bi
şîlfikêñ
zingargirtî
êrîşêñ xwe
birin serî.

2

Gaca miha me
xwe
di ser çokê re

qevast,
tena wê xwiya kir..
Bizin pê kenî,
lê...
ji bîr kir
ko tirîka wê
tim ziçê
û
tena wê
tim berçave.

3

Mijê
çiya girt
û
xwe
berda ser kumikêñ
spî,
lê...
"gunehêñ navnasan
tenê"
veşartin,
yên nenasan,
wek
hêkêñ qitikan
li rastê
dimînin".

4

Me
heftê salî

ne
gote kerkê xwe:

Hooo...oos!,
lê...
dawî
kerkê heriyê
felişî.

dibe
lê...
" rim
di
xêşan de
winda
nabin".

û
hilma germ
da Neyar
xwe
germ bike,
lê...
qurmikên xwernûfê
besî
kozîkêne me ne.

5

Bi
salan
Me
çîroka şûjinê
ji
hev re
got,
lê...
dawî
Me
bîr, di latê de,
bi derziyê,
kola.

8

Berû tehl e...
Neyar
wê
naxwe,
lê...
h
alet
û
hêlanêñ zeviyêñ me
pir
hêjane.

11
"Mirrêniya şeran
li
çiyê
tê,
lê...
li
deştê
gur
mihê
diberde".

6

Law!
Xiltê-kor
tim
di
zikê zemînê de
dixebite,
lê...
axa
aza derdixe
ser
rûyê zemînê.

9
Qir
bi
ser
deşta me de
hat,
lê...
me
li
ber agirê serê
çiyê,
durânê ve,
xwe germ dikir.

12

De
razin!
Ra...zin!
Lê...
jiyan
bê
şiyarî
nabe.

22.12.93

7

Zêr
di perçiçeqa qazê de
winda

10
Deviyêñ me
dibin kûmkir

1. Çîroka mih û bizinê çîrokeke folklorî ye. Herdu dost û hogir bûn, bi hev re diçûne çêreyê. Rojeke mihê xwe di ser cokeke re qevast, dûvê wê hate hildan, bizin kenî. Mihê pirsî, çîma dikene. Bizinê got:" Min bin dûvê te dît". Mihê lê vegerand:" tirîka te tim li baniye, dawiye te tim taziye, em pê nakenin!".
2. Zargonina Kurdî bi vî rengî ye:" Gunehê mezinan wek çiyane, mij wan diveşere. Yêngîn wek hêkên qitkan li rastêne, mij nagihe wan".
3. Kerkê heriyê: çîrokeke folklorî ye, ji çîrokêñ zaroka ye. Gava dolabrésk diçine şikeftê, û her yekê bi serê kesekî xwe sûnd dixwe ko ne wê tir kiriye, keça pîrê bi serê dêya xwe sûnd dixwe. Wilo, guneh dikeve sukra keça "Pîrê" de, û keçik qerfên xwe pê dikin. Hevaleke wê dibêje:" Porkurê, ma ne heft birayê te wekî heft qerasa hene, tu bi serê pîra dêya xwe sund dixwî...!". Û rê pêş dike, çawa bihêle pîra dêya wê rêya wan pêş wê bike.
Piştî "Pîrê" li keça xwe mukur tê, kerikê heriyê jê re çêdike, û jê re dibêje, ko ci bi rê de bibîne, nabe lê bisekine û ji kerkê xwe re "hoş" bibêje, lê wê kerik bifelişe û ew nagihe birayên xwe.
4. Çîroka şûjinê: Mijûliyek ji mijûliyên zarokanî ye. Yek pirsê dike, yê din bersivê dide, û tim bersiv dibe pirs. Mijûliyeke pûçe, bê sûde û gotinvegerîne, tenha zarok wextê xwe pê dikujin.
5. Ev zargonin ji serpêhatîkê hatiye der. Dibêjin, pêrebîk ji Zozanan dakete deşta Cizîrê, çend kulek (pez) ji xwe re peyde kirin, û bizava xwe bi wan dikir. Û gava siwarêñ desthilatê herêma ew lê hatin bac û bêşan jê bistînin, ne da wan û bi wan da zanîn, ji êla Ferhoyê Izêr Axa ye, û ew bac û bêşan nadin. Di vê dema giftûgoyê de, gundiyan bi serekê siwaran daye zanîn ko pîrebiyeke bê kes û bê kûse. Wilo, siwaran dev ji pîrebiye berdan, lê ji wê weye ko ji ber navê F.I.Axa dev jê berdan, loma got: "Ez qurbano, şêr li Zozêñ dike mirêni, gur li deşte mihê diberde".

PENDÊN RIZYAYÎ YÊN PAYÎZÊ

NEZÎR AKAT

Tu weke kalê xemgîn, hêvî şikestî yî, tu hêz nikare xewnêne te yên wendabuyî, hişê te yê matmayî bi şunda vegerîne. Tu kes nikare darêne te yên pelweşyayî ji nuh ve hişîn bike, bi gul û çîçekên evînê bixemilîne. Çû hey kalo çû!.

Lê bêhêvî nebe, tu hêjî dikarî bi diranêne xwe yên kefî, goştê kewan bixwî û ava kanîyên pezkovîyan vexwî, û bîhna biharê bikişînî hundirê xwe. Matmayîn û bêhêvîbûnê radesfî me neke.

Dê were kalo!

Dê were kalo!

Bo çi tu bawer nakî!?

Mîna zarokê şevgîrînê, ne derguş û ne ji hêlan te haş dikan. Lorînêne evînê digel hêsîrên dayikêne piştxûz û rûterikî wendabûne. Dayikêne ko serê te mîz didan, bi germiya tava biharê re ketine xewa giran. Lê bi serê te sûnd dixwim ko ew xewnan nabînin. Ne mirî ne û ne ji sax in. Weke darêne zivistanê, yên rût û belengaz, di şevêne tarî de şâşmayî, rûmet û şerefa xwe diparêzin.

Belê kurê min, tu har û hov nebî ha!. Jîyana bê evîndarî, wek xewnêne şevêne zivistanê ne. Lê ne rast in, derewîn in û gulfiroş in.

Erê kurê min, lingê xwe bide erdê, erda bav û kalan. Pişta xwe nede sîbera zinaran, bi sîya zinarêne zexel û fenok nexape. Pişta xwe bide qurmên rehdaçikayî û werzêne nûhaftî. Hêviya gulvedanêne biharê, û kuvarkêne glover ên ko axê diqelişînin û serê xwe derdixînin wekû zarokêne bêguneh û evîntijî, li wir, belavbûyî mane. Destê xwe ji destê kalê dirankefî neberde û nebe evînkuj. Ew dikar e rastiyê radesfî te bike.

Tu dizanî ko sîya zinaran xweş e, lê xewa mirov tîne. Di germiya havînê de sîyêne zinaran, xuşîna avê, mirov hênik dike û mirov ji agirê havîna zuha diparêze. Lê her gav zinar nîne. Erdêne bê zinar qada hêviya vîna mirov e. Fêr bibe û hêviya xwe nespêre zinarêne xwedî sî.

Der û dora me bi xewnfiroşan hatiye girtin. Darkuj û kevirkuj in . Jehra xwekujiyê bera laşê me didin.

Di piyalên xwina me de kevokên evînê difirînin. Bi destê me piyalên xwîna me li hev dixin û bi axîn û keservedanên me dilgeş û serxweş dibin. Di başûrê nimêjê de, ava zemzemê tev li xwîna me dikin û xurmeyêن cimûqî dikin mezeya vexwarina xwîna me. Agir dibarînin.



Ax û xwîn tev li hev dibin. Jîyana xwîndarî û hêşirêñ zîvîn kirine para me. Em ne bi destê xwe ne. Em ketine nav çerxa dek û dolabêñ evînkujan. Hesîyêñ Ahmedê Xanî dinalin, qîrîna Feqeyê Teyran e. Evina Memo ji nav ferhenga devokêñ xwekujiyêñ me rabûye. Bekoyê Ewan bûye serkêşê viyana me.

Xeyalêñ evîniyê û libêñ hinarêñ Xursê wekî hev in. Ew ji qebqebla evînfiroşan xweştir in. Ger tu hinarêñ Xursê tam nekî û jiyana xerzêñ nûgihiştî nas nekî, tu yê nizanibî evînkujî çî ye!?

Jiyana xwe di hêşirêñ çavêñ dayikêñ dilşikesî

de, dixwînim. Îdî defterêñ devoka ji min ra veneke û dîroka hunermendêñ xwekujiyê dubare neke.

Ma di banêñ xanîyê Xwedê de, îdî tu dikarî hêlinêñ hechecîkan bibînî ? Şûna wan ji mêj ve kundan girtiye. Tu nabînî û nabîhisî lê hîn ji tu li tembûra xwe dixînî.

De lêxe!

De lêxe!

Lêbelê gerek tu bizanibî ko, serdemêñ pêdivîyêñ zurnevanan ji mêj ve derbasbûne. Govendgeran ji zû de serkêşana govendê xistine destêñ xwe, û serî dikşînin. Tembûra te têra wan dike îro.

Bi ci navî gazî te bikim ?

Kerr u lal, xewnkuj, evînkuj, yan jî mîratgirê sêwiyan. Lê were weke ko me lihev kiribû, danîna navê xwe bispêre rûpelên dîrokê. Dîrok ne tîrsnak û dîlxwaz e. Ew tenê rîberê peymana hêviyan e u em jî goveyêن sosret û rîçêن hunermendiya dîrokê ne.

Di qonaxa hunermendiya zîrek a xwekujiyê de, berjewendiyêن min û te nebin yet

Û serencama bawerîyêن me hîn jî nelihevkirina li ser serkêşanêن govendê be ewê dilovanî û evîndarî tenê karîbin gulebaranêن xwekujiyê himbez bikin û goristanêن vala bibin qada serlêdanên dayikêن ruqelişî û por kîşayî.

Qibeqiba te, bi serê teyî delal, tenê te ditirsîne. Di qontara çiyê de gulvedanêن biharê ne hunermendiya min û te ye. Ew şînbûn serencama hêsirêن Zînê ye, gulvedanêن xapandina çivîkêن bilotanê ne ko bi hewala nizan e. Wek xapandina koçerê koçek, bi hêlinvedana çivîka bilotanê, Govendgirtina wî ya li ber kalîna pezêن candayî ne.

Di bêbextîyêن şevêن tarî de, di kolanêن teng û dirêj de, çavşorî û bêhiş ya demêن kevnare, bûye para me û lêvêن me jî vexwarina kaniyêن xwînê zuha bûne.

Çerxa destanê te, berberiya min û te, nikarin temêن gulêن biharê vekin, nikarin gîhayê hiskbûyî, ter û hişîn bikin û nikarin hêsisrêن çavêن zuha şîlbikin. Termêن min û te, di nav berberiya min û te de, goristanêن bê nav diafirînin û dengê hechecîkan ji xanîyêن wêran koç dikin û warê goştxura ava dikin.

Di hinarkêن rûyê te de, sêvêن Meletyê zuha dibûn. Binêre îro jî di ser hinarkêن rûyê te de, tenê, lê tenê, dilopêن hêsisrêن bê bersiv diherikin.

Diherikin û digihêjin daristanêن şewîfî û fî, ên ko li bende mehrebaniya te, westiyâyî û bê ber mane.

Kelogirîna te ya ko jî balafirêن agirbarîn tê, wek xencera di dilê dilovan de, çikiyayî, tûjî dike û brînen kevnare kor û xedar dike.

Di şaneyê rojavayê hişê te de, ciyê tîrêjên serhildanêن rojhilaftî nîne.

Şaneyê dirokê, dîroka xewrevîn û malwêran, rê u rîçêن xwe şaş kirine û bi qurmiçandina bejna te ya zirav ve gêj bûne. Ew ne te dibînin û ne jî min.

Ketine xewn û rewrewka belavkirina mîratêن hev. Mîratêن kuştina bay û kalan.

Û yên din, bi serxweşbûna vexwarina xwîna hev, ne ditevizin û ne jî bêhiş dikevin.

Ew hartir û hovtir dîbin.

The Kurdish Centre of
INTERNATIONAL PEN
A World Association of Writers
NAVENDA PEN A KURD
Kurdisches PEN-Zentrum e.V.

Haydar Isik, President – Arnikastr. 34, D-82216 Maisach/Germany - Phone + Fax: 0049 (0) 8141 94247 Dr. Zaradachet Hajo, Secretary - Franziseck 16, D-28199 Bremen/Germany - Phone+ Fax: 0049 (0) 4215577352 Medeni Ferho, Treasurer - A. Brackestraat 60, B-71950 Kraainem/Belgium - Phone: 0032 (0) 27 21 12 03 Members of the Committee: Mehmet Aktas, Prof. Celfilê Celil

Founded by Huseyin Erdem

Bangewazî û Vexwendin

Jî bo hemû nivîskarên kurd

Mêju: 09.11.1997

Gelî nivîskarên birêz,

Navenda P.E.N.a Kurd dê kongireya xwe ya salane di roja

07.02.1998an de, ji seet 10.00 heya bi seet 20.00, li bajare Berlinê

li navnîşana

I-laus der Kulturen der Welt, John-Foster-Dulles Allee 10,

D-10557 Berlin, li dar bixe.

Em bê sînor her nivîskarekî kurd, yê ko behweriya wî bi
daxuyaniya P.E.N.a Navnetewî (P.E.N. - Charta) tê, vedixwînin vê kongireyê.

Xalêñ Rojevê:

1. Vekirina Kongireyê.
2. Gotinêñ mihvanan û silavname
3. Raporta kar û barê sala çûyî û ya darayî
4. Raportêñ her çar komîteyan:
 - Komîteya ji bo nivîskarên di zindanan de
 - Komîteya nivîskarên ji bo aştiyê
 - Komîteya nivîskarên jin.
 - Komîteya ji bo masêñ wergerandin û zanyariya zimêñ
5. Dengdana li ser guhertina hin xalêñ rîbazê.
6. Amadekirina nûneran ji bo kongireya P.E.N.a Navnetewî ya 1998an li Helsinkiye.
7. Peşniyar û amojgarî.

Li ser navê komîteya birêvebir

Dr. Zerdeş Haco

Ji Weşanxaneyə Apecê 4 kitêbên nû yên zarokan!

BI DIMİLİ Ú KURMANCÍ

GUNILLA WOLDE

Emma ya tixtorî heti

Emma
li ba doktor

APEC



GUNILLA WOLDE

Emma şina tixtordê dindanan heti



**Emma li ba
doktorê diranan**

APEC



Ji zarokêñ xwe re bi kurdî bixwînin û bidin xwandin!

Gunilla Wolde

**Tûte paste
çêdiķe**

Tûte yo pasta
virazeno

APEC



GUNILLA WOLDE

**Tûte diçe
derve**

Tûte yo şino
teber

APEC



Navnîşana xwestinê li Swêdê:

Apec-Tryck & Förlag
Box 3318
S-163 03 Spånga/Sweden
Tel: +46 8 761 81 18
Faks: +46 8 761 24 90
E-post: apec@swipnet.se

Li Almanyayê:

Dilan KITAP-MUZIK
Brigitten str. 3
20359 - Hamburg/Deutschland
Tel: +49 40 432 906 70
Faks: +49 40 432 906 71



DUGIR *Kurdisk litteratur tidskrift*

Box 3437, S- 165 23 Hässelby - Sweden

Sîsirkê Hesinî, piştî bîst û çar salan, ji penageha zimanê erebî vedigere hêlîna zimanê xwe yê ko Selîm Berekat neşîya pê binivîsîne, lê ew wek deqeke hunerî û wek vejandina hişê dîroka cîgehe-kî dilovan û dilsoj, mîna ko anîha hatibe nivîsandin, û ji bo xwendevanê ko Sîsirk bi erebî nexwendine dê sermestiyeke taybet pêşkêş bike. Wexta ko em Selîm Berekat bixwînin, zaroktiya me dê ji nû ve dest bi zorbazî û desthilata xwe bike û hemî îstgehêن nivistî dê ji nû ve hilperikin laşê qonaxê û sirûdên bêrîkirina bi şewat dê li ber pêlên efsaneyâ nivîsanda hunerî û rasteqîn berbi hestên westiyayî ve sernîşîv bibin.

Wexta ko em Selîm Berekat bixwînin, em dê hîn bibin çawan dîroka xwe bi awayekî hunerî biafirînin û çawan wê dîrokê ji destê sextekar û cambazêن peyva kurdî rizgar bikin û şkestina xwe wek viyan û serhişkî û tolgirtin lê ne wek kûrekûr û dilpêşewitandin, pêşkêşî cîhanê bikin.

Selîm Berekat

Sîsirkê Hesinî



APEC